


KUVUBA MILYANGO

YA BASINKONDO

 Mwabuka kabotu, nyoonse. Elyo ncibotu kujokela kuseeni okuno ku cikombelo, kuzo kombela bantu baciswa sunu. Kwalo, kanji, tu sola kunjila, lyonse kanji kapati, a—a kukombela bantu abo basika kuzwa ku masena aindene, nkambo ka mipailo.

Elyo lino tuya kuunka calino kapati, eno, ku miswaangano yaku California aku West Coast. Elyo nconzyo tu lomba mipailo yanu, kutegwa Leza waku Julu akabe siluse kuli ndiswe okuya a kuyo tupa kuswaangana kupati.

Kwiinka buyo, jilo, na masiku ainda, mubwini, cakumuka. Elyo jilo bwakali bumwi bwa i . . . Ee, buzuba bwa zona, a jilo, bwakali bumwi bwa mazuba mabotu loko abuumi bwangu. Okuya, Ndi libazi bantu nobaceya bobilo, na botatwe, mu buyake abo bakali bakamboni baku kuseleluka kwa Mwami, jilo. Elyo cintu cibotu loko caka citika, kwalo Nse jisi cintu kuseeni okuno caku mwaambila. Pele ndiza kuseeni Munsondo mutobela, katunaba a kwiinka, ndiza Njo oba a ciindi, mu Mulumbe, ku—ku mwaambila. Ikuti na Mwami wayanda, Ndi nooli kumusanza, nokuweya kuyo kombela baciswa, kuseeni Munsondo. Kwayanda tuya kuyanda kwiinka kutandila kalangabwaaseme, ikuti na cakonzeka, kuya ku muswaangano waku San Jose mu San Jose, California. Elyo ikuti na ujisi bantu bamwi bali muni, ku West Coast okuya, nkokuti, tula syoma, ndiza linooli oora Ndye kalangila, kwaciindi cilamfu, lya kucinca mu mulimo wako uboola. Elyo uli muni loko, Nda kayeeya kuti niwa kacitika jilo. Elyo ndi syoma kuti uyooba ndyoonya lino, alimwi uyo indilila kusakana ku cintu cili conse nco tutana sola kubona a kumvwa, kale. Lino, amuyeeye, ngu MBUBOUBU MBWAAMBA I MWAMI. Mwabona? Alimwi mpwo tula ulangila, kufumbwa ciindi.

Elyo tu yandika kuba a kuswaangana lino ku masena mabotu. Ndi syoma kuti kuli kabotu, embo na, Gene? Ku masena mabotu aku San Jose, California. Elyo kuyooba muswaangano wa mazuba ali kkumi, kutalikila mu 20, kusika ku 20, ku—ku San Jose. Lino, kamuno tuyeeya buyo aku tukombela.

Lino, tu jisi kutandila, ikuti na twazwa mu ciindi, kutandila oora lyomwe acisela lino, akuti tu talike kuswaangana kwesu kwa kukombela baciswa a kuleta Ijwi. Nda sala, kuseeni okuno, cibalo ciniini camu Lugwalo, masena obilo mu Bbaibbele, aku kanaanina.

Pele katu taninga kukanana, atu kotamike mitwe yesu asyoonto buyo, ku mupailo.

² Leza Siluzyalo maningi, twa swena cabubombe ku cuuno Cako cabwami kuseeni okuno, mbuli bana bateeleli, pele kuboola a lusyomo lutakwe busofwi muli Leza, olo lwa kapegwa kuli ndiswe kwinda ku Muuya Uusalala, a Busyu Bwakwe buliko lyonse andiswe. Elyo kwiinda mu cisyomezyo ku Mwami Jesu, cakuti na twa sika cabubombe akulomba cili conse mu Zina Lyakwe, inga tuyo pegwa cikumbizyo cesu. Nkikaako, ta tucebuki ku bweelelo bwesu, nkaambo ta tujisi buli boobo, pele tu cebuka ku bweelelo bwaku Kalivari, oko luzyalo lwesu nkolwa kapegwa cabuyo kwinda ku Mwana wa Leza. Elyo inga twa josya kusikwa kwa misozi inga yainda mu tumeneno twesu, cindi twa yeeya kuti swebo, bantu bateeleli, a nzila kuti ku luzyalo Lwakwe okuya ku Kalivari Wa katu citila ceeco, kuti tu konzye kuletwa mumsi loko kuli Leza, nokuba ku luswaangano. Elyo lino tuli bana basankwa a basimbi kuli Nguwe.

³ Elyo twa boola kuseeni okuno, Mwami, kungsi lya ciluli eci ciniini, ku kulituula lwesu, a ku kuswaangana, kulyaambilila zibi zyesu, a— a kukomba kwa Buleza. Tu syoma kuti Uyooba a ndiswe aku tupa kukubona kwa kumuuya ku kuboola kwako kuli mumsi, kutegwa inga twa libambila abuzuba ku kucitika oko kupati kwa kalangilwa kwa zyuulu zya myaka. Incobeni bulenge bonse bula tongela, kulilila kwaangululwa. Elyo myuuya yesu mu myoyo yesu, Mwami, ila lyaambilila cakuzumanana, kuti, “Tuli bamuzwamasi a beenzu, nkabela oyu tauli muunzi wesu, pele tu yandaula Munzi Oyo wa Muyasi a Mubambi uli ngu Leza.” Tu langila ciindi eco kuboola.

⁴ Mwami, inga twa bikkila maanu ku miswaanganao eyi, cindi twa bungana okuno, twa kombela bana Bako abo bacisidwe a bapengede. Elyo twa lombamba kuti Utu swaangane sunu munzila nsalensale, ya kuponya kuciswa a malwazi onse akati kesu. Elyo akube kuti, Mwami, eci cibe cisyomezyo nce Nda zwaa kukanana musule, mu muswaangano a Nduwe okuya jilo, kumane buyo kupasuka kwazuba, a nzila Mbo kacisimpikizya kuloolola alubo. Elyo tu limvwa kuti oora lili mumsi maningi. Elyo akube kuti obu bube buzuba, Mwami, bwakuti ciyo citika, kuteeti Uya kucinca mulimo, Mwami, mu cintucimwi ciyooba ca luzyalo loko ku bantu Bako.

⁵ Elyo lino, Taata Leza, inga tii twa kombela buyo aba okuno, pele abo basabalangene mu nyika, abo babulide, kumuuya a cakumubili. Ko bapa, O Mwami, kuyandisya kwa myoyo yabo, nkaambo bana Bako bala pangaana mu mazuba aya. Kudyamininwa kwa sinkondo nkuyumu kapati, pele Uli muyumu kwinda. Nkambo kuli lembedwe kuti, “Mupati maningi Oyo uli muli ndinywe kwiinda oyo uli mu inyika.” Kuli ceeci tula zunda. Kanana kuli ndiswe kwiinda mu Ijwi Lyako lilembedwe. Alimwi cindi twazwa kuseeni okuno, akube kuti twaambe mbuli

abo ba keenda kuzwa ku Emau, “Sena myoyo yesu tiyapya muli ndiswe mbuli Mbwa ali kwaambaula kuli ndiswe mu nzila?” Twa cilomba mu Zina Iya Jesu, Oyo wakapa cisyomezyo. Amenii.

⁶ Ndi bala kuzwa ku masena obilo lino mu Bbuku Iya Matalikilo. Bumwi bwa ngawo bujanwa mu chipati ca 24, kutalikila kampango ka 56, kaamba boobu.

Elyo wa kabaambila kuti, Mutandi kasyi, mukubona kuti MWAMI wa zwidilizya nzila yangu; amundi leke Ndi inke kuli simalela wangu.

Elyo bakati, Tula mwiita musimbi, a kubuzya ku mulomo wakwe.

Elyo ba kaita Rebeka, aku mwaambila kuti, Sena ula unka a mwaalumi oyu? Elyo waa kati, Nda inka.

Elyo baka tuma Rebeka kuzwa a nguwe wakwe mu- . . . mucizi wakwe, a mubelesi wakwe, a muzike wa Abrahamu, . . .

Elyo baka longezya Rebeka, aku mwaambila kuti, Uli mucizi wesu, kabe nyina wa zyuulu zya mamiloni, nkabela kalekele lunyungu lwako luka vube abo balusulaika.

⁷ Elyo mu Matalikilo 22, kampango ka 15, tula bala.

Elyo angelo wa MWAMI wakaita Abrahamu kuzwa ku julu ciindi cabili,

Elyo wakati, Kuli lwangu Nda konkezya, mbwaamba i MWAMI, nkambo wa cinta cintu cili boobu, yebo to kasya a- . . . kasya mwana wako, mwana wako alikke:

Kuti mu kulongezya Njo kulongezya, alimwi mu kuvuzizya Njo vuzizya lunyungu lwako mbuli nyenyeezi zya . . . kujulu, a mbuli museenga . . . atala Iya nkomwe ya lwizi; nkabela lunyungu lwako luyo vuba mulyango wa sinkondo nyina;

Elyo mu lunyungu lwako masi onse aa nyika ayo longezegwa; nkaambo wa swiilila jwi lyangu.

⁸ Lino akube kuti Mwami ayungizye zilongezyo Zyakwe ku kubala kwa majwi Aakwe. Lino Ndi yanda kubweza ceci, ikuti na ciyo itwa kuba cibalo, ciyo cangu kuseeni okuno, lutaanzi, cakuti, “Kusunkwa kumbele Iya milyango yaka syomezegwa.” Elyo ciyo ncakuti: *Kuvuba Milyango Ya Basinkondo.*

⁹ Leza wakali kusunka sikale, nkaambo Wa kamu pede cisyomezyo. Elyo cindi Leza apa cisyomezyo, Walo uyanda kuba masimpe kuti oyu muntu uleelela ku cisyomezyo, katana Walo kuzulizya eco Nca kaamba na eco Nca syomezya. Aboobo Abrahamu waka syomezegwa kwinda ku lunyungu lwakwe kuti inyika yonse Iya kulongezegwa, akuti uya kuba a mwana. Elyo, mwana wakwe, kuzwa muli nguwe muyoozwa Lunyungu luya

kulongezya nyika mboizulwa. Elyo Abrahamu, cindi cisyomezyo nicaka pegwa kuli nguwe, wakali amyaka ili makumi ali lusele ayosanwe yakukomena; a Sarah, mukaintu wakwe, wakali myaka ili makumi ali cisambomwe aosanwe yakukomena. Pele Bbaibbele lila twaambila kuti Abrahamu taka zungaana ku cisyomezyo ca Leza, kwindi mu kutasyoma, pele wakali muyumu, kalumbaizya Leza. Elyo Leza, ku ciindi a ciindi, waka musunka, pele wa kasika ku kusunkwa oko kwamalekelo kakutanaba kuti cilongezyo cika citike.

¹⁰ Eyo nje nzila mboibede ku Lunyungu lonse lwa Abrahamu. Leza ula tupa kusolekwa oko kwa malekelo Kata ninga buyo kutupa cisyomezyo. Elyo ikuti na cali kukonzeka, Ndi yanda kwaamba cintucimwi awa, ccabugame, pele Nda cisisa eco. Oko kusunkwa kwa malekelo, ku bona nzila mbo vwiila kuli nkuko. Elyo cindi Na kapa Abrahamu kusunkwa oku, Wa kajana kuti Abrahamu wakali bwini mbuli cindi na katalika. Ino ncileleko cinga caba kuseeni okuno ikuti na swebo twa bweza cisyomezyo Cakwe ca kuponya inga twa imikila ca bwini mbuli mbo twa kacita cindi ni twa kaimikila okuno aku cizumina. Takukwe makani eco dokotela ncaamba, koima buyo ca bwini.

¹¹ Elyo cindi na kutita ceeci, akuta kasya mwana wakwe alikke, pele wakali kutandila kuyasa cifulo cakwe mu camba ca Abrahamu, ku kunyonyoona bumboni bwakwe. Wa kalungulula, koonse ku nyika nkwa kazizilwe, kuti wa kali kuyo tambula mwana oyo. Elyo mpawo cindi mwana nakasika, wa kalombwa kujosya kobilo, a kunyonyoona bulangizi bulikke mbwa kajisi kuba bumboni bwakwe bwakuzulila. Elyo cindi Leza nakabona kuti wakali kusyomeka ku lusyomo olo ndwa kajisi muli Leza, Leza waka sondela kuzwa ku majulu nkabela Wa kati, “Nda konkezya Lwangu endikke kuti Njo kulongezya a ku kuvuzizya, nkabela lunyungu lwako luyo vuba mulyango wa sinkondo nyina.” Ino ncisyomezyo!

¹² Elyo Rebeka, oyo wakali kuyooba nyina wa mwana oyu, wakasyomezegwa, wakali kulindilwa, cindi na kaitwa ku kusunkwa kwakwe kwamalekelo, ku mwaalumi mweenzu oyo ngwa takalina bona. Waa kabona biyo kubeleka kwa Muuya Uusalala. Elyo cindi bazyali bakwe nibaa kacilwa kusala kuzwide naa waa keelede kuunka anguwe oyu mweenzu na pe, kukuba mukaintu wa muntu oyo ngwa katalina bona, waa kaletwa ku kusunkwa kwa malekelo. “Tula mwiita musimbi aku mulekela kukanana. Tula mvwa kuzwa mu mulomo wakwe naa uya kuunka, iiyi na peepe.”

¹³ Eyo nje nzila mbo iletwa ku Lunyungu lonse lwa Leza. Kweelede kuba ku mulomo wako. Leza uyanda kuzwa kuli nduwe.

¹⁴ Aboobo cindi na kabikkwa ku kusunkwa, ta kawayawaya aniini. Waa kati, “Nda inka.” Nda cibotelwa eco. Kutali

kuti, “Andili yeeye kabotu. Andi cilangelange konse.” Waa kali lamidwe cakumaninina. Abo mbe bantu Leza mbakonzya kubelesya, cindi mwa lamwa cakumaninina kuti Leza uyo zulizya cisyomezyo Cakwe. Wakati, “Nda inka.”

¹⁵ Elyo bantu bakwe mpawo, bakali nanikidwe kapati, ndiza tiiba kakuzyi, pele ba kasinsima mbuli mbo bakabikka maanza abo a mucizi wabo, a mwana wabo musimbi; oyu musimbi, mubotu muniini wa Cijuda, mbuli mbo baka mubikka aa nkamele aku mutuma ku nyika nyenzu, akati ka bantu beenzu. Pele kwakali Cintucimwi ali mbabo. Ba kati, “Lekela lunyungu lwako luvune mulyango wa basinkondo nyina. Kabe nyina wa zyuulu zya mamilioni.”

¹⁶ Elyo, sunu, mukowa wa bantu a bantu ba Leza baka sabalangana kuzwaku lwizi kusika ku lwizi, kuzunguluka inyika. Mu bubuke bayooba mbuli musenga waku Julu, mbuli mimuni imweka yabweza masena ayo, mbuli mbo yuunka kwinda mu mulengalenga. Elyo cindi bakusika, bayooba mbuli lwizi muni i...na misenga kumbali lya nkome zya lwizi. Kuyoooba zyuulu zya mamilioni abo.

¹⁷ “Lunyungu lwako luyo vuba mulyango lwa sinkondo wakwe.” Eco ncisyomezyo caka konkwa a Leza, “I lunyungu lwa Abrahamu.”

Mpawo, ku Muuya Uusalala, mukubona kuti nyina wa keelede kuba cibeela ca mwana, awalo, nkaambo balo nzibeela zya mubili. Mpawo Muuya Uusalala kaubeleka kwinda mu bantu aba, wakati, “Wa...Lekela Lunyungu lwako luvube mulyango wa sinkondo.” Mpawo, Leza kakonkezya kuti Uyo vuba mulyango wa sinkondo, mpawo ino mbusena nzi eco mbo cibikka Mbungano ya Leza muumi?

¹⁸ Tuli Lunyungu lwa Abrahamu. Nkambo, swebo, mukufwa muli Kristo, tuli, sama Lunyungu lwa Abrahamu alimwi tuli baswaana a nguwe, kuni lya cisyomezyo nciconya caka konkezegwa. Tuli Lunyungu lwa Abrahamu a baswaana ba cisyomezyo conse caka pegwa kuli nguwe. Pele cindi kusunkwa kwasika, mpe mpawo mpotu kakilwa. Pele Nse syomi kuti Lunyungu lwini lwa Abrahamu luyo kakilwa. baya kwiimikila buyo mbuli basicamba a kusyomeka mbuli Abrahamu mbwa kacita.

¹⁹ Lino tula bona kuti Leza takonzyi kwaamba cili coonse na—na kubamba cisyomezyo cimwi citakuti Uya kucizulizya. Walo weelede kucicta ceeco kutegwa abe Leza. Kwiinde myaka, cindi aba bantu mboonya, bantu baka syomezegwa, lunyungu lwa Abrahamu nilwakali mu lweendo lwabo, kuya ku ii—ii nyika ya cisyomezyo, kwakali mulyango wakaimvwi, alimwi kutala kuli nguwe, nkabela oyo wakali munyina, Moabu, wa kati, “To konzyi kwiinda mu nyika yangu. Njo cibamba kuti uta kaindi mu nyika yangu.”

20 Wa kati, “Ikuti na ng’ombe zyesu zyalya bwizu bwako na ikuti zyanywa amwi maanzi ako, tuyo cibbadelela.”

Pele wa kati, “To kaindi mu nyika eyi.”

21 Pele cisyomezyo ca Leza cakaima kasimpe. Aboobo ba kaunka kuyo bweza musinsimi wabo, Balamu, akumuleta kunselelo kuzo singanya bantu. Elyo nceeci nca kaamba. Ba kasola ku mutondezya cibeela cibyaabi ca lunyungu lwa kalelekedwe, pele Leza wakamu tondezya cibeela cibotu maningi ca ncico. Wa kati, “Kufumbwa oyo usinganya Israyeli uyo singanisigwa, alimwi oyo umulongezya uyo longezegwa.” Elyo mingwala yaka selusigwa nkabela Israyeli yaka zabuka mabanda. Leza waka syomezya kuti uyo vuna mulyango wa sinkondo nyina.

22 Kumane boobo, mu myaka, mpaawo kwakasika umwi wa zina lya Daniele, wakali mu nzyalani ya Lunyungu olu Lwawami, a mu nzyalani ya cisyomezyo, nkaambo wa kali Lunyungu lwa Abrahamu. Elyo Leza wakali musalide kuzwa ku malengelo aa inyika, kuti abe musinsimi Wakwe, nkabela wa kabona acamba alimwi wa kapona cakusyomeka. Elyo nokuba mu nyika nyenzi, wa kakanza mu moyo wakwe, “Nse kalisofwaazyi a mbabo.” Olo ndo Lunyungu lwini lwa Abrahamu; kalupona mu nyika yandeene, kalupona akati ka bantu abo bandeene, pele nekubaboobo kabali sasicamba ku cisyomezyo eco. “Nse kalisofwaazyi a mbabo. Njo kkala cakusyomeka.”

23 Leza waka mubikka ku kusunkwa mbuli Mbwa kacita wisi, Abrahamu. Elyo mwaami wakati, “To kabi mbuli umwi wesu akukomba nzila mbo tukomba, na Njo kuwaala mu bulyango buzwide balavu bafwide nzala.”

24 Daniele, mbuli Abrahamu wisi, kati, “Inga wandi waala mu bulyango bwa balavu, pele Nse kokotamina nociba cimwi ca zikozyano zyako. Nse kabwezi bukombi bwako bwatulao. Njo kkala cakusyomeka kuli Jehova.”

25 Elyo mpaawo kwakasika kazekele mpawo. I mwaami wakabamba cisyomezyo cakwe nkaako wa kabweza musinsimi, na wakali mubweze a kumu waala mu bulyango bwa balavu. Elyo cindi balavu, basinkondo ba Daniele, niba kabindaanina ku musinsimi, Leza wakabamba cisyomezyo Cakwe. Wa kavuba mulyango wa sinkondo nyina. Leza wakaimika Angelo awo kumbele lya balavu abo, akuzunda mulyango. Leza ulabamba cisyomezyo Cakwe. “Uyo vuba mulyango wa sinkondo nyina.” Leza wa kaamba boobo.

26 Mpawo kwakali bambi botatwe ansi lya bakasyomezya beni kusyomeka ku kaambo, abo bakali Lunyungu nconzyo lwa Abrahamu, nkabela oyo wakali Shadreki a Misheki a Abedinego, nkabela baka sunkwa. Elyo ba kati, “Ikuti na tamuko kotamina cindi mwamvwa tuntimbwa katulila a myeembo kailila, ikuti

na muta kotamini bukombi bwesu, a kuzwa ku nzintu nzo mwi—mwi iminina! Alimwi muli tetede nyonse, nekuba. Bukombi bwanu buli biyo mbuli bwa bambi bamwi.” Sena ta tucimvwi eco ciindi conse? Pele i—i bukombi bwa Jesu Kristo bulandeene. Inguzu zya bubuke Bwakwe zilandeene. Tuli bantu bandeene, bantu basalesale, babupaizi bwabwami. Leza ulabamba lwandaano.

²⁷ Pele cindi niba kati, “Muyooba bamwi besu.” Nikwakaba kabotu kuli Shadreki Misheki a Abedenigo ikuti niba kaba bamwi besu, pele kwiina nibakaba bamwi ba bamuzwakule. Lino, ba kati, “Ikuti na muta ciciti, tu jisi mulyango awa ku bbila lyamulilo, ndyo tukonzya kujula aku muwaalila muli ndilyo, nkabela muya kulombozya kuti nimwali bamwi bwesu.”

²⁸ Ba kaciyeeza cisyomezyo. Ba kamacking’a kuselemukila mu bbila liyaka mulilo. Elyo cindi niba kajula mulyango a kuba waala mu mabangabanga, sinkondo wabo naka basyukuta, baka vuba milyango ya basinkondo nyina. Leza wakatuma Mwana Wakwe mu mabangabanga ayo a mulilo a kutontozya kubbebba, a kwaambaula ambabo kuciindi nibakali omuya. Cisyomezyo ca Leza cakaima kasimpe. ba kavuba mulyango wa basinkondo. Bakasunkwa lutaanzi, mpawo ba kavuba mulyango wa basinkondo.

Sa taakali Jesu Oyo wakapa cisyomezyo? “Ikuti na akwalo waleta kulebya kuli umwi wa bana baniini aba, cakali cibotu kuli nduwe kuti ziyo lya kaangwa mu nsingo yako nkabela waka nyikizigwa kungsi kwini kwa lwizi. Uta soli nikuba kuleta cilebyo ku bana aba baniini basyoma muli Ndime. Alimwi ezi zitondezyo ziyo batobela aba basyoma muli Ndime.”

²⁹ Wa kabamba lwandaano. Wa katondezya eco nca kasyoma a ceeco nca takalikusyoma.

Okuya, lyoonse, kuli nkamu zgotatwe zya bantu, nzya: uutasyomi, sikulicengezya, a musyomi. Pele Leza uli jisi nzila ya kutondezya kuti musyomi nguli. Oyo musyomi wiimikila nji ali ceeco Leza ncaamba kuba Bwini. Iiyi.

³⁰ Wa kali Eliya, waku Tisibe, cindi nikwaasika kazekelo, mane wa kayeeya kuti wakali biyo alikke mu cisi oyo wakacili kuponena Leza. Elyo mwaami wakalikwiinka kuyo mubikka kungsi lya sukusyo. Elyo ba kamupenzya. Alimwi oyo namalelo muniini, wakali pentede, wa zina lya Jezebeli, wakakonga buumi bwakwe. Elyo cindi nicakasika ku kazekelo, Eliya wakavuba milyango ya sinkondo nyina akusandula cisi conse kujoka kuli Leza alubo. Leza ulabamba cisyomezyo Cakwe.

³¹ Wa kali Musa, kumane awalo kuba mu nzyalani ya Lunyungu olu lwabwami, Lunyungu lwa Abrahamu, cakuti cindi nakali kumusanza mu Egepita, kuyo vuna bana ba Israyeli; nkabela Leza waka mupa zitondezyo a zigambyo zya kucita, a kuuma nyika, a kuleta bacula, antabwa, a mudima,

a civulamabwe, a mvula, a mulilo, a kucita maleele aya onse. Nekubaboobo, cindi naka basololela kuzwa ku janza lya Jehova, mpaawo kwakasika ciindi naka swaanganya mulyango akati a nguwe a nyika ya cisyomezyo. Kwakali Lwizi Lusalala, mungwala mu nzila. Ba kazungulukwa ku mpi ya Farao, malundu, a lukula, a Lwizi Lusalala. Pele Musa wa keenda kumbele a kuvuba mulyango wa sinkondo nyina, a kuzabuka Lwizi Lusalala, mabbusu mayumu, mbuli mbwa keenda mu mugwagwa wa kasuko. “Uyo vuba mulyango wa sinkondo.” Leza wakaamba boobo, nkabela caka cimbamba.

³² Yakali myaka biyo misyoonto kumane boobo cindi masukusyo nakasika, elyo mbungano ya kazungaana konse, mbuli mbocili citete loko ku mbunga ya bantu kucita cindi cintucimwi cata boneka buyo kucitika nzila mbo ceelede kuba. Leza ula cibamba munzila eyo. Leza ulaleta kukwelana mu mbungano, “Onse mwana uboola kuli Leza weelede kusolekwa, a kutondezegwa, a kusunkwa.” Ula lekela bulwazi ku kuuma. Ula lekela malwazi kuboola ali nduwe, ku kusunka a ku kutondezya, kuzibya inyika kuti uli Lunyungu nconzyo lwa Abrahamu. Ula kuzumizya ku luyando Lwakwe mwini. Uyo zumizya kucitikilwa kubi. Ula zumizya beenzinyoko ku kufutatila. Ula zumizya zyonse zintu ezyi, a kwaangulula dyabulosi, ku kutepaula. Alimwi uyo cita zyonse cita kuta tola buumi bwako. Inga wakuwaala mu bulo bwa mapenzi. Inga walekela basimukobo nyokwe kukufutatila. Inga walekela mbungano kukufutatila. Ula konzya kucita kapati cili conse, alimwi nduyando lwa Leza kuli nguwe kucicita. Twa kayiisigwa kuti nkuyandisi loko kwindi ngolide, kuli ndiswe.

³³ Ino kujatikizya Abrahamu a Izaka, aa cilundu, kuli nguwe cisyomezyo nko cakapegwa? Elyo ku kusyomeka kwakwe a kuziba kwakwe, a lusyomo lwakwe muli Jehova, nkwiinda muli oko, a kooko kulikke, kuti Leza wakalanga ansi a kuti, “Lunyungu Lwakwe luyo vuba milyango. Nda kakonkezya Lwangu kuli Lwangu kuti Njo zicita zintu ezyi.” Takukwe umwi mupati maningi Ngwa kali kukonzya kukonkela, pele Wa kakonkezya kuli Lwakwe.

Mpawo, ikuti na Wa kalekela Abrahamu kusunkwa ku mbali eyo ya malekelo, Ule elede ku kusunka a andime ku kaindi ako kamalekelo, eco ciindi ca kusala zintuzyonse nizi kutantamukide. We elede kwiimikila olikke alya. Aleluya! Nce ncico.

³⁴ Koimikila olikke. Koenda alya akuti, “Nekubakuti Wandi jaya, Ndi cino Mu belekela.” Olo Ndunyungu lwa Abrahamu. Ngo Nguwe uupa cisyomezyo. “Takukwe makani abo bamwi nco baamba, bamwi babo ncoba cita; kuli ndime abe ng’anda yangu, tuyo belekela Leza.” Kati, “Ikuti na bamwi babo bati, ‘Taakwe cintu ku lujano. Ncikama ca kubotelwa; kuli ndime abe ng’anda yangu, tuyo belekela Leza.’”

Alimwi Ndila botelwa kuzumanana a Paulo mpoonya awa, a kuti, “Mu nzila iitegwa ‘nkukazya’ mbubonaya Mbwe komba Leza wa matata.”

“Nekubakuti kwaba basikanyetu basika mu mbungano, nekubakuti kwaba tumbizi tukali, alimwi nekubakuti kwaba misyobo yonse ya basinsimi babeji a zintuzyonse ziboola mu mbungano akati ka bantu, a mu masena aengelede a zintuzyonse; pele kuli ndime abe ng’anda yangu, tuyo belekela Mwami. Nekubakuti boone baleka kusika, alimwi nekubakuti mbungano ya tontola, yaba a tuncimwa; mebo abe ng’anda yangu, tuyo belekela Mwami. Nekubakuti umwi waka kombelwa nkabela taka ponesegewa; eco ta cijisi cakucita ancico; kuli ndime abe ng’anda yangu, tuyo belekela Mwami.” I kusunkwa a masukusyo.

³⁵ Bantu bala kakilwa, cita Leza. Muntu, wa bikka muntu ku mizeezo yako, uyo lubizya. Ndiza kutali acaali, pele uyo cicitita. Leza ula muzumizya kucicita kutega Ako nzye kuzunganya lusyomo lwakwe kuzwa ku muntu. Lusyomo lwesu taluli mu busongo bwa muntu, pele mu nguzu zya bubuke bwa Jesu Kristo. Awo mpa busena Lunyungu lwini lwa Abrahamu mpolu yaamika cisyomezyo calo. Nkaambo, bakonzya biyo kuba Lunyungu lwa Abrahamu cindi batambula Muuya Uusalala. Kakutakwe Muuya Uusalala tabali Lunyungu lwa Abrahamu. Olo lusyomo ndulonya lwakali muli Abrahamu kusika mu musyomi. Takukwe makani kuli ceeco cicitika na mbo ciimpene, musyomi uzumanana biyo kweenda.

³⁶ Basikutwela baka bweeda a kuti, “Oh, nkwa—nkwa bufuba kusola. Ta kuyandikani kuyaambe kumwi, nkaambo balo bantu mabbabbani kutala okuya. Elyo ba jisi mfulumende zilemu, alimwi ba—ba jisi masumo, alimwi, baa, akwalo tulibonya mbuli zisozi atala kumbali lyabo.”

³⁷ Nse zyi, pele Nda lamy kusyoma awa kuti Joshua wakali biyo muntu muniini ukompeme, muniini buyo, mulombwana musyoonto. Nda konzya kumubona kasotoka mujulu, atala—atala lya musyobo umwi wa cibbokesi, a kuti, “Nobantu a bakwesu,” ku bantu bali mamilioni obile, “tu lainda kukonzya kubazunda.” Mwabona? Nkaambonzi? Ndoolo lwakali Lunyungu lwa Abrahamu. Leza wakapa cisyomezyo. Olo lwakali lukono lwabo. Leza wakapa cisyomezyo. Takukwe makani obo sikwiindilana mbwa kabede, Lunyungu lwini lwa Abrahamu lwakati, “Tula konzya kwiitola nkambo Leza wa kaipa kuli ndiswe.”

³⁸ Mpawo muliimvwi kuseeni okuno. Mpaawo kwimvwi Mbungano ya Leza muumi. Nse kwe makani eco umwi umbi ncaamba, eco dokotela ncaamba, eco cili coonse, eco sikutasyoma ncaamba, tula konzya kuzunda cakwindilila kuli conse ciboola ambali. Tuli Lunyungu lwa Abrahamu, alimwi

tuya kuvuba mulyango wa sinkondo ma, takukwe makani obo sinkondo mbwabede. Leza wakapa cisyomezyo. Eco cakali cabo, lukono lwabo.

³⁹ Kuponesegwa ndukono lwako. Lufutuko ndukono lwako. I Muuya Uusalala ndukono lwako. Alimwi kuli bapati, zyuulu zya bakambausi a bamwi mu nyika asunu, abo bati, “Eco tacili boobo.” Pele Lunyungu lwa Abrahamu lulizyi kuti cili boobo. Bala covwaila moonya a kuvuba milyango ya basinkondo. Leza wakati baya kucita. bala cisyoma nkaambo ncisyomezyo. “Lunyungu Lwakwe luyo vuba mulyango wa sinkondo.” Lino muyo inda mu kusunkwa, masukusyo.

⁴⁰ Elyo Joshua wakaimikila alya, cakusyomeka. Mulombwana muniini wakati, “Ta ndikwe makani mbo bali majompoo. Ta ndikwe makani ku musyobo wa masumo ngo bajisi, obo minzi yabo mboi yakilidwe malambo malamfu, a mboili mipati. Cisyomezyo cesu, ncakuti, ‘I mulyango uyo vubwa ku Lunyungu lwa bana ba Leza,’ alimwi twiinka mutala kuyo bazunda. Tula inda kuzundana abo.” Oh, olo Ndunyungu lwini.

⁴¹ Bunji bwabo bakazyalwa, kabali lunyungu lwakunyama, kati, “Ta tukonzyi kucicita. Taku yandikani kusola. Mwabona, tula indwa ku mweelwe. Tula inda kubota; mu zintuzyonse motubede.” Takukwe makani, ta ka . . . Ba kali kulanga ku i . . . eco liso nco lyabona. Alimwi Joshua wakali kulanga eco Leza nca kaamba.

⁴² I Lunyungu lwa Abrahamu talu langi kuli cintu cimwi cakunyama. Ba lanaga kuli ceeco Mwami nca kaamba. Eco ncisyomezyo. Ino kuti Abrahamu nakalanga kuli cakunyama? Ku mwanakazi wakali mwaanda wa myaka yakukomena . . . Makumi alifuka, mbwa kabede. Elyo wa kali mwaanda. Alimwi wakapona kuzwa nakacili musimbi muniini, awalo wakali mulombe muniini, kabatakwe lunyungu. Ta kalanga ku zintu ezyo. Wa kati wa kabala ezyo zintu mbuli kuti tii zyakaliko, nkambo wa kalanga biyo kuli ceeco Leza nca kaamba. “Njo kuleleka, Abrahamu, alimwi Njo kupa lunyungu kwindi kuli Sarah.” Elyo wa cisyoma. Tamu langi kuli ngo muzunda awo. Tu langa kuli ceeco Leza nca kaamba. Leza wa kacaamba, cila cibamba.

⁴³ Aboobo mpawo cindi na kaselemukila ku Jordani, cindi Joshua bakabaambwa kuba silutwe mupati wa mpi, elyo bakaseluka nkoonya ku jeleele lya maanzi a kukonzya kulanga mutala a kubona Jeriko. Pele, akati kabo, cindi Joshua nakabamba mpi yakwe, kwakali mulyango. Oyo mulyango wakali kutegwa Jordano.

Pele cisyomezyo ca Leza cakali cibotu ku mulyango onse. takukwe makani mulyango mbowa kabede, cisyomezyo ca Leza ncibotu. “Uyo vuba milyango ya basinkondo nyina.” Eco cakacibamba.

Cindi naka selukila ku Jordano cifumo eco, antela, Ndila syoma kuti dyabulosi waka jisi makumbi aguwo kalengelela koonse, maanzi antimba manji aakaindi kaakunkila ansi, myuunda ya katolwa muyoba. Oh, ino cakali ciindi cakusunkwa! Pele Joshua wakati, “Amuli bambile, mula bona Bulemu bwa Leza.” Elyo bakali salazyana beni a kulibambila, akuli bambila cindi zintuzyonse nizya kaboneka kwiimpana. Pele olo lwakali Lunyungu lwa Abrahamu, oyo Leza ngwa kakonkela kuti, “Njo mupa mulyango.” Wa kasika ku Jordano, oyo wakali mulyango wakwe, nkabela wa kauvuba.

⁴⁴ Bumwi bwa mafumo aya Nde elede kuyo selemukila ku mulyango oyo wamamanino ambebo. We elede kuselemukila ku Jordano, pele Lunyungu lwa Abrahamu luyo vuba mulyango. Takukwe makani mbo kubede, uyo vuba mulyango wa sinkondo onse.

⁴⁵ Boonse abo bantu bakali bantu balemu. Ba kafwida mu nzyalani. Pele, kumalekelo, buzuba bumwi mu Betelehemu wa Judaya, Lunyungu Lwabwami lwakazyalwa. Kwalo, loonse lwabo lwakali buyo zimvule. I Lunyungu Lwabwami lwakazyalwa, kutali ku muntu. Pele Wa kazyalwa kuli nakalindu, ku Nguzu mu nsinga Zyakwe, kuzunda lufu a gehena. Leza wakapa cisyomezyo. Muntu walyonse taka konzya kucicita. Pele ikuti na Leza wapa cisyomezyo, Ngu Leza buyo mbubonya Mbwa kabede maminiti masyoonto kaatanaba, a Abrahamu, Jehova jire, Mwami uyo bamba nzila ya kutolela mulyango. Mbobuti mbo tuya kucicita? Joshua wakafwa. Musa wakafwa. Bamwi babo bakafwa. Pele Leza wakati, “uyo vuba mulyango wa sinkondo nyina.” Mbobuti mbwa kalikuyo vuba lufu? Uli jisi nzila ya kucita zintu. “Uyo vuba mulyango wa sinkondo nyina.”

⁴⁶ I Lunyungu Lwabwami lwakazyalwa. Wa kasunkwa mu cianza conse mbuli ndiswe. Mbubonya buyo mboelede kusunkwa, mbubonya Wa kacita. Dyabulosi cakufwambaana wa Ka mutola, cindi Na katambula Muuya Uusalala, mu nkanda kwa mazuba a masiku ali makumi one, ku kusunkwa. Elyo cindi Na kazwa . . . Elyo ku lufu Lwakwe, ba kagagaila mpikili mu maanza Aakwe, akuswida busyu Bakwe. Wa kaında mu kuciswa koonse. Pele cindi Na kali waano a nyika, Wa katondezya kuti Wa kali kukonzya kuzunda kuciswa. Cindi banyina zyala ba Petro niba kalede kuciswa, ku kugaanyana, wa kabaguma ku janza lyabo nkabela ntuntumaanzi yaka basiya. Cindi sicisenda nakoompolola ku mulyango, “Uutasalali! Uutasalali! Ikuti na Ula konzya, Ula konzya kundi ponya.”

⁴⁷ Wa kati, “Nda cita. Ko ponesegwa.” Wa kazunda a kutola mulyango wa cinsenda. Wa katola mulyango wa ntuntumaanzi.

Wa kacitya bulenge bonse ku Mu swiilila. Wa kali Lunyungu lwa Abrahamu, Lunyungu Lwabwami, Oyo cisyomezyo nko

cakapegwa; kuli Nguwe, Abrahamu a lonse Lunyungu lwaka mutobela, kusikaku Lunyungu Lwabwami, alimwi lonse Lunyungu lwaka Mu tobela. Cisyomezayo ca Leza ncabwini. Wa kazunda kuciswa.

Wa kazunda tepaulo. Cindi sinkondo nakaswida busyu Bwakwe, nakauma mweebo Wakwe, Wa kalanga ku lubazu lumbi. Cindi niba kamozola cilezu kuzwa ku busyu Bwakwe a ku Mu swida, Ta nyema kuti ajosye. Wa kazunda mulayango wa tepaulo a kuli tola.

⁴⁸ Mpawo yebo wati, “Tepaulo lyangu tali kandilekeli kucicita.” Yebo, Lunyungu lwa Abrahamu, iiyi, munene, Wa kali zundila nduwe.

⁴⁹ Cindi Na kanyemesegwa, Ta kanyema kupilusya. Cindi Na kafubaazigwa, Wa Ka umuna buyo. Cindi Na kaitwa kuti dyabulosi, Wa ka umuna buyo. Wa kajisi ncito yokwe, nkabela eyo yakali ncito ya Taata, nkabela Wa kainka kacita eyo. Mpawo, kumalekelo, baka Mu tola ku ciingano. Lufu lwaka Mu langa. Bamwi babo baka zundide maziba mapati, alimwi bakazundide bulenge, alimwi baka zundide balavu, alimwi baka zundide mulilo. Baka zundide zintuzyonse kunze lya lufu. Pele ngooyu Umwi kauma mu boongo Bwakwe, nsinga Zyakwe, nkabela waka jisi Nguzu zya lufu. Aboobo baka bweza maanza Aakwe aku Mu tandabika aku Mu gagaila aa ciingano. Baka Muuma, alimwi baka Mu samununa kusikila mafuwa Aakwe aka Mu dunamina. Pele cindi niba kacita, alimwi bakacita koonse nkobakali kukonzya, lufu lwaka Muuma, kati, “Lino Nda Ku tola mbuli Mbwe kacita Joshua. Njo Ku tola mbuli Mbwe kacita Daniele. Elyo Njo cita conse eci, nkaambo Njo Kujaya.”

⁵⁰ Elyo Wa kafwa mane zuba lyakausa lini. Wa kafwa kusikila bulenge bwakausa akukakilwa kubeleka. I zuba lya kabbila akati ka sikati. I nyenyezi tii ziyakayutuka. Wa kafwa kusikila tuntu twa kasiya mbi cakuta konzya kubona janza lyako kumbele lyako, akati ka sikati. Inga ndayeeyela bulenge kabuti, “Atu fwe a Nguwe.”

⁵¹ Mukwesu! Mpawo dyabulosi wakatuma buntu Bwakwe buyandisi mu migodi itagoli ya gehena. Mpaawo milyango yaka juka, pele Wa kazwa aa buzuba bwatatu, waka uzunda. Amen. “Lunyungu Lwakwe luyo vuba mulyango wa sinkondo.” Wakazunda lufu! Wa kazunda gehena. Aa cifumo citaanzi ca Pasika, Wa kazunda cuumbwe. Lino tu liimvwi, katuli bazundi baina, kwiinda muli Nguwe wa katu yanda.

⁵² Aa Buzuba bwa Pentekoste Wa katuma Muuya Uusalala ansi, kukuzumanana, kwiinda muli Bamasi, ku kubweza Lunyungu lwa cisyomezayo. Ku kupa Bamasi, batande, kukubapa lubbizyo lwa Muuya Uusalala, ku kubaleta mu Cisyomezayo. Lino tuli jisi nguzu zya kuzunda kuciswa konse. Ta tweelede kukuzunda; kwa kazundwa kale. Twe elede buyo kutaminina cisyomezayo a

ku cibweza. Kwa kazundwa kale. Lufu lwakazundwa. Gehena yakazundwa. Kuciswa kwakazundwa. Tepaulo lyakazundwa. Madaimona onse akazundwa. Gehena yakazundwa. Lufu lwakazundwa. I cuumbwe cakazundwa. Tu liimvwi ku mulyango, ta tweelede kudubula musyonga. Wa kabbadelelwa kale.

⁵³ Sinkondo nyina, Uyo vuba mulyango wa sinkondo nyina. Mbangaye? Bali zyuulu zya mamilioni. Uyo vuba mulyango wa sinkondo nyina, sinkondo onse. Wa kabuka kuzwa ku bafu. Tuyo civuba nkaambo Wa kacipa kuli ndiswe. Coonse ncipego cabuyo, kunze lya ceeco conse, a zintuzyonse Nzya kacita, a kuzunda mulyango onse. Wa kazunda kuciswa, wakatola mulyango. Cintu biyo nco tweelede kucita nkweenda kutozya ku mulyango, akuti, “Mu Zina lya Jesu Kristo, Muzundi!” Ameni.

⁵⁴ Kwalo cakasika cindi cakufwa, nkabela lufu lwakati, “Amundilangilile nkemubamba kujosya bukombi bwakwe.”

⁵⁵ “Mu Zina lya Jesu Kristo waku Nazareta, pumbulika kujoka, Jordano!” I Lunyungu lwa Abrahamu lwatola mulyango.

⁵⁶ Nkaambonzi, Paulo wakati, cindi niba kali aafwi kukosola mutwe wakwe, Lunyugu lwa Abrahamu, wa kati, “Olufu, luli kuli lumoola lwako? Ocuumbwe, kulaali kuzunda kwako? Kulumbwe kuli Leza Oyo waka tupa kuzunda kwinda muli Jesu Kristo.”

⁵⁷ Uyo vuba mulyango wa sinkondo nyina, kuu tola. Lino, ta kaumwi ku mulyango. Uyo cizunda a ku citola. Uyo civuba. Eco cili mu Nguzu zyakwe mwini.

⁵⁸ Mu Mbungano ya Leza muumi, cifumo cino, kuli Nguzu zya kuponya kuciswa konse. Mu Mbungano ya Leza muumi kuli Nguzu zya kuzunda tepaulo lyoonse. Mu kuvuba kwa Mbungano ya Leza muumi, cifumo cino, kuli Nguzu zyakwaanga cibi aku cisowa, a kutambula lubbizyo lwa Muuya Uusalala, mu Mbungano ya Jesu Kristo.

“Kufumbwa ncomu yanda, amulombe mu Zina Lyangu, nkabela ciyo pegwa kuli ndinywe. Kaindi kaniini, elyo inyika (kutali Lunyungu, olo lunyungu lutanazyalululwa) taika Ndi boni limbi. Nekubaboobo muyo Ndi bona, nkambo Njo oba andinywe, nokuba muli ndinywe, kusika kumamanino aa inyika.” Ncinzi? I Lunyungu Lwabwami. “I milimo Nje cita, muyo cita anywebo. Njoli simpikizya Lwangu kuti Ndili anywebo, nkambo ezi zitondezyo ziyo batobela abo basyoma.”

Uyo vuba lunyungu lwa sinkondo nyina. Uyo vuba. Lunyungu Lwakwe luyo vuba mulyango wa sinkondo nyina, takukwe makani obo mulyango mboubede. Ikuti na nkuciswa, matepaulo, ncibi, kufumbwa mulyango mboubede, uli zundidwe. Alimwi Lunyungu lwa Abrahamu lula uvuba.

⁵⁹ Sa tamu kkomene, kuseeni okuno, kuziba kuti tu liimvwi lino mbuli bazundi bainda, mbuli bazundi bainda? Oh, taakwe cintu caku lwanina. I nkondo yakamana. Ludweba lwa kasibwa. I ndembela yakaima. Elyo akati ka cilwi cazibi conse, akati a kaanda konse ka kuciswa, kuli ciingano cakaindi cigalankene, caka syangwa ku Bulowa bwa Jesu Kristo, Muzundi. Cintu biyo cakucita nkusyoma, kulanga a kupona.

“Njo oba andinywe. Njo tondezya. Bantu bayosika ku mazuba aku mamano, a kuti, ‘Oh, ee, eco cakaliko.’ Pele Njo oba andinywe. Alimwi zintu nzyoonya Nzye kacita, aano a nyika, Njo oba andinywe, nkecita cintu eco nciconya. Mpawo baya kuziba. Bayo Ndi bona. I . . . Bantu bangu bayo Ndi bona. I Lunyungu lwa Abrahamu luyo Ndi bona. Bayo Ndi ziba. Bayo Ndi ibaluka. I bamwi bayo Ndi ita kuti, ‘Bezebule,’ mbubonya buyo mbo kabacita. Pele muyo Ndi ziba, nkambo Njo oba a ndinywe. Muyo Ndi bona, kubona a meso anu. Muyo Ndi bona, nkambo Njo oba andinywe, nokuba ku mamano aa inyika, zintu nzyoonya Nzye cita. Oyo uusyoma Ndime, milomo eyo Nje cita uyo icita awalo, musyobo nguonya wa mulimo.”

⁶⁰ Elyo, sunu, Mbungano ya Leza muumi ijisi coolwe cakwiimikila a kubona uuzunda, Jesu Kristo wakabuka, Mwana wa Leza muumi, uuliko kaimvwi, kaponi mu Mbungano yakwe, kacita cintu nciconya Nca kacita kaindi. Mpawo tuvuba mulyango wa sinkondo onse.

⁶¹ Ikuti na ujisi sinkondo kuseeni okuno mpawo mukwesu wangu, kuli biyo . . . Ikuti na uli Lunyungu lwa Abrahamu, nomana kumvwa ceeci, takukwe madaimona manji mu gehena akonzya kubikka oyo mulyango kumbele lyako. Uyo juka. Ta ndikwe makani obo mboubede. Ko enda kumbele okuya, mbuli Lunyungu lwaka syomezegwa, kwaamba, “Nda citaminina eci kuba cangu. Eci nci cangu, nkaambo Leza waka konkezya kuti Uyo mubusya Jesu, alimwi, kwiinda muli Jesu, kuti Njo cizunda. Nda boola mu Zina lya oyo Muzundi, Jesu Kristo. Ko jokela. Ndi indamo.” Amen. “Uyo vuba mulyango wa sinkondo.” Mpawo koimikila alya, a makuko ako kusule a ntobo yako kaimweka, kiivumbidwe Bulowa bwa Mwami Jesu. Sinkondo uyo ciibaluka.

⁶² Ikuti na ujisi kubula, ambaula kuli Nguwe eno kuciindi notu komba, yebo omuno, kuseeni okuno, kuciindi nomu kotamika mitwe yanu. Elyo ikuti na ujisi kubula, sa ula tambika buyo janja lyako kuli Jesu? Elyo ko caamba buyo mu moyo wako, mu moyo wako, aku ti, “Mwami, Uli zyi kubula kwangu. Lino, Nda mvwa, kuseeni okuno, alimwi eelyo ndi Bbaibbele lyakati, ‘Uyo vuba mulyango wa sinkondo.’ Nda boola kuvuba mulyango. Ndiza ndi jisi sikutepaula. Ndiza Nda yandikana Muuya Uusalala. Cibi caka ndaangila ansi. Ndi jisi kubula. Pele Nda boola ku mulyango ono. Ndila ubweza, kuseeni okuno, mulyango wangu. Aboobo, tantamuka, Nda boola kwindamo.”

⁶³ Mwami ulelekedwe, Wa abona onse maanza aya. Alimwi Uli zyi kuti eli ndi Ijwi Lyako, mwami. Nda Li balulula biyo, akulileta kwinda mu Magwalo. Basyakacite iba Bbaibbele, obo mbo bakeendelezya mami a kulwa bululami, a kuzimya mulilo, luuni lwa mulilo, a kuyokoka ku mapanga, akumuma milomo ya balavu, alimwi, oh, kumbi, banakazi bakatambula bafu babo kujoka ku buumi, a zintu zinji, nkaambo Wa kacisyomezya. Ncisyomezyo cako, “Lunyungu Lwakwe.” “Lunyungu Lwako, Abrahamu, luyo vuba mulyango wa sinkondo.” Elyo Ula bamba cisyomezyo Cako.

⁶⁴ Lino ko bapa, Mwami, kuyanda kwa moyo wabo. Akube kuti baunke kuzwa ano kabali bantu bandeene. Akube kuti baunke, kabazi kuti mba—mba zundi, nkaambo olo Lunyungu Lwabwami lwaka bazundila. I Mwaami Wabwami, cindi Na kasika, wakazyalwa kuli nakalindu, Wa kazunda sinkondo onse, nokuba ku lufu. Aboobo lufu lwini talu konzyi kuyoosya Lunyungu lwa Abrahamu. Tu jisi cisyomezyo cakuti tuyo kona nyika, a kuyo joka alubo mu nzila yabulemu, mu mubili wakatambula bulemu, sinkondo wamamanino akubikkwa kungsi lya matende, ku mwana alikke awa mamanino iwa Leza akuboola mu Bwami.

⁶⁵ Ikuti na kuli baabo najisi maanza abo mujulu, Mwami, bali mbasizibi, ko bafutula. Abo bali mukuwa, bazibye kuti taba ceelede kuba basikuwa. Ula konzya kuvuba oyo mulyango wa kuzwa. Ndiza umwi antomwe a sikutepeula, ii—ii mulaka, mubyaabi watombe, na moyo wa cisusi, na umwi muunyu, ku mali, na—na cintu cimwi cisofwi, bazibye kuti inga bavuba oyo mulyango. Akube kuti kuciswa, Mwami, mapenzi. Bala konzya kuvuba oyo mulyango, “Nkambo Wa kayaswa nkambo ka nsotoko zyesu, wakacuzaulwa nkambo ka milandu yesu. I kukomwa kwa luumuno lwesu kwakali ali Nguwe, alimwi ku mibunda Yakwe twa kaponesegwa.” Tuli bazundi, kuseeni okuno. Ko cipa, Mwami.

Alimwi kunze lya zyonse ezyo, oyo mulimo mupati waka citwa kuli Nguwe, nekubabooboo Uli andiswe. Nekubaboobo, Wa kasyomezya kuti Uyo cicita. “Kaindi kaniini elyo inyika taika Ndi boni limbi, nekubaboobo muyo Ndi bona; nkambo Njo oba a ndinywe, nokuba muli ndinywe, kusika kumamanino a bukkalo.” Nda lombaa, Taata, kuti Uyo liyubununa Lwako kuli umwi aumwi, kuseeni okuno. Nkambo twa cilmba mu Zina lya Jesu. Amenii.

⁶⁶ Sena mula syoma obo kuba Bwini? Cakusinizya amu cisyome kuba Bwini, kubula kupilauka komwe kwa kuzumbauzya mu moyo wako. Lino amuyeeya buyo eci. I kubleleka Muuya Uusalala mubombe loko cakuti ulanyonganya mizeezo ya bapampu. I zintu zibombe loko Nze kasola. . . Nda kabona Muuya Uusalala kaucita ceeci. Inga ndaamba kuti, baa, inga Nse ciyeeya kuba munzila eyo. Ikuti na Nda belesya mizeezo yangu ini, inga Ndati,

“Ee, eco tacikonzyi kululama.” Pele lyoonse cili luleme. Ula cita zintu zibombe kapati. Alimwi Ula cita zintu zya kuliyubununa Mwini ku bantu Bakwe. Leza ulaa bantu Bakwe. Uli akati ka bantu Bakwe. Ula bayanda. Elyo Walo uyanda ku bacitila, a kuba gwasya; a kubazibya buyo, kutali *eco* Ncaya kucita, pele eco Walo *ncaa* cita. Wa kacicita kale. Nci canu. Ci zulilwa kuli ndinywe. Ncipego cabuyo cizwa kwa Leza Taata wesu, ku Mbungano Yakwe.

⁶⁷ Lino obo mizeezo ya bapampu mboiya kunyongana kapati, mbuli mu mazuba aa Daniele, a mu mazuba aa bana ba Hebrayo, a—a banji abo mbo twaambaula kuseeni okuno. Mwabona, inyika mpati ya bupampu mu buzuba obo kwakali kuyumu kuzunda mbuli mbo kubede eno. Wakali sinkondo lyoonse, ku nzila yabo yakubona, a sayaansi yabo yabusyaasunu a zintu, zyakali buyo zikataazya a zintu, ku mizeezo mpawo, mbuli zyesu asunu. Mwabona, cakali cintu nciconya. Pele bakali baabo, lyoonse, abo baka acamba cakukkala alya a kuti, “Leza uli luleme. Ijwi lya Leza ndya kasimpe.”

⁶⁸ Elyo, nywebo, nywebo ta mweelede kuzunda, nkaambo Wa kazunda. Cintu biyo nco mweelede kucita nkuunka buyo a kubweza, kwiimikila mu mulyango, kwaamba, “Nci cangu. Eci nci cangu. Leza wakacipa kuli ndime, lufutuko lwangu. Ikuti na Ndi yanda Muuya Uusalala, Leza wa Kaupa kuli ndime. Cisyomezyo nci cangu, aku bana besu, abonse abo bali kulaale, mbuli Mwami mbaya kwiita.” Nke kaambo Nce imvwi. Buyo . . .

⁶⁹ Muulimo wangu, wa kutweluka oku a zimwi, kuyoomana cakufwambaana lino. Oh, ciyooba ko okuya. Pele kuyo mana cakufwambaana eci, nkaambo ciyooba cintucimwi cipati maningi. Mwabona? Uya butanta; kuzwa ku kujata janza, kutanta ku kutweluka, alimwi eno itandila kubamba kumwi kumbi. Mwabona? Mwa cibona. Amu cilange akuziba kuti nca bwini. Mwabona? Ndi lizi kuti nca Bwini. Alimwi ciyo komena kapati, atala maningi, kabotu. Masimpe. Baa, Wa ka cisyomezya. Alimwi eco Nca kasyomezya, Ula cicita. Ta konzyi kukakilwa mu cisyomezyo Cakwe. Elyo ino ncinzi? Busyu Bwakwe bupona lyonse kuba andiswe, ku bulekela, ku muzibya kuti Wa katola mulyango nkambo ka ndinywe.

⁷⁰ Wa kali Lunyungu Lwabwami. Taakwe umwi wakakonzya kubweza eyo milyango kunze lya Nguwe. Zyonse ezyo kaindi zyakali zimvule zya kuboola Kwakwe. Pele cindi Aku sika, kuyo manizya nkondo yoonse. I nkondo yaka manizigwa ku Gesemani a ku Kalivari. Elyo eno twi iimikila buyo, mbuli bazundi. Takukwe nkondo ya kucita. Swebo . . . I nkondo yakamana. Twa kaikona, diidi ini kuli njiyo. Ii bulembo bwa cizibyo kwinda kuli Leza, Taata wesu, Oyo wakabusya janza Lyakwe, kati, “Njo konkezya kuli Lwangu kuti Lunyungu lwakwe luyo vuba mulyango wa sinkondo.” Nceeco we. Wa katolwa kale. “Wa *ka* yaswa nkambo ka nsotoko zyesu. A mibunda Yakwe twa *kaa*

ponesegwa.” Kwa kacitwa kale. Mulimo wakwe wakamanizigwa. Tu civuba buyo. “Alimwi milimo eyo Nje cita, muyo icita anywebo.” I Mwaami ula ndiswe, kuseeni okuno. Zilongezyo Zyakwe nzipati, Muuya Uusalala, weenda ali ndiswe. Ku kulimvwa oko kulilimvwa kwabulemu, kuziba kuti cileendelana a i . . . mu nzila ya Ijwi lya Leza. Ku tupa kuumbulizigwa oko kubotu, ku ziba kuti—kuti Leza ngu Taata wesu.

⁷¹ Lino, Ndila syoma, sa wa—sa wavozya makaadi amipailo kuseeni okuno? Nda mwaambila kuti, ncibotu, ikuti na kwali biyo bantu baku cikombelo, ee, kuta vozya makkaadi amwi amipailo. Pele ikuti kuli—kuli bali mbuli bantu bali, kkumi nabali kkumi abosanwe, na cintucimwi, beenzu mu milyango, baa, kuvuzya makkadi amipailo, aboobo inga twa baleta aku bakombela. Mbangaye bali andiswe kuseeni okuno? Tambika janza lyako. Oh, ma! Masimpe. Kuli ali kkumi aosanwe na makumi obilo abaabo. Yaa. Tula ndandamika aya makkaadi amipailo a kubaleta atala lya cibumbili. Mwabona, nkaambo Nce ambila makani abantu baku “cikombelo” bali, ko kuno.

⁷² Oku kutweluka. Amuyeeye, Ndi kanana ceeci. I kutweluka kuyo mana cakufwambaana. Kuyooba cintucimwi cipati maningi a cibotu maningi, munzila buyo. Kwa kali, eco Nce zyi, bwene ncomu langide bakwesu bobilo eno, abakali kwiimvwi andime jilo, cindi eco nicaka citika, mwabona, elyo zona, cindi nicaka citika. Alimwi kuli ziindi zyoatatwe mu muncali, lino, ca citika, kusimpikizya kuteeti ndyoonya cila fwaafwi, mwabona, cilafwi kucitika.

⁷³ Lino, Mwami, Yebo nduwe Leza, alimwi tuli balanda Bako. Twa Ku lumba ku Ijwi Lyako, ku Muuya Uusalala, Oyo wa tuleleka ku myoyo yesu. Elyo eno tuli kkomene. Tuli kkede ano, mukuziba kuti tuli bazundi. Tu vubide kale yonse milyango ya basinkondo. Kwa kapegwa kuli ndiswe, alimwi tu jisi kki mupati mu maanza esu. I Zina lya Jesu Kristo tuyo ku- . . . kula mulyango onse wa bansikondo. Bweza eyi kkii, kkii wa Zina lya Jesu, a ku- . . . kujula mulyango onse wa basinkondo waka twaanga kuzwa ku cisyomezyo cili conse.

Alimwi, Leza, kuseeni oku twa boola mu Zina lya Jesu, a kki oyu, kujula milyango ya baciswa a bapengede. Nkambo kuli lembedwe mu—mu Zina Lyakwe, “Mu Zina Lyangu bayo tanda madaimona. Baya kwaamba mu myaambo mipya. Elyo ikuti na bakabweze nzoka, na ba kanywe cintu cijaya cili conse, tacika banyonganyi. Bayo bikka maanza abo a baciswa nkabela bayo pona.” Tu lizyi kuti zintu ezyo nzya bwini. Elyo kopa, kuseeni okuno, Mwami, kuti bayo cita, bantu baka konzye kubona ceeco, kwinda mu luyubunuko lwa Ijwi kubambwa mu mubili akukkala akati kesu, kuteeti, “Wa kayaswa nkambo ka nsotoko zyesu; ku mibunda Yakwe twa kaponesegwa.” Elyo akube kuti bacizumine a kuponesegwa, kuseeni okuno, kuzwa

kukucisa koonse a malwazi a mapenzi. Twa cilomba mu Zina lya Jesu. Amenii.

⁷⁴ Walombwa ulizye, Teddy, *Kosyoma Buyo*, cabuteteete abucubuce, ikuti na ula konzya.

Elyo ninzi? Sena wata likila kuzwa ku wani? Namba wani, kaadi lya mupailo. Wani, tuu, thrii, foo, faivi, sikisi, seveni, eiti, naini, teeni, na kufumbwa aliko. Ncibotu. Walombwa cabutontozi buyo, ikuti na inga waimikila, kuboola kuli olu lubazu.

[Umwi wati, “Ino waita ongaye?”—Mul.] Huh? [Umwi wati, “Ngaayo we. Ngaayo we.”] Atandila. . .

Atu bone, namba wani, namba tuu. Nguni ujisi kaadi lya mupailo namba wani? [Ii mukwesu wati, “Ndili lijisi.”—Mul.] Inzya. Namba tuu. Ncibotu, munene. Namba thrii, namba foo, namba faivi, namba sikisi, namba seveni, namba eiti, namba naini, namba teeni.

⁷⁵ Kuciindi nomu bamba nzili yanu a kubweza masena abo akwiimikila, Ndi yanda kubuzya mubuzyo kuli ndinywe nyoonse. Mbangaye, sa kuli bamwi bantu bamu cikombelo okuno, abo bacisidwe? Bantu bamu cikombelo, tambika janza lyako. Kutandila faivi. . .foo, faivi, sikisi, seveni, eiti. Maanza ali eiti na fuka. Sa kuli umwi omuno mu cikombelo, batali bako kuno ku cikombelo, balo mbeenzu bali andiswe, nekubakuti inga mwanjila kwamana kuswaangana aba tajana kaadi lya mipailo? Sa inga watambika janza lyako? Uli onse uyandikana Leza, oyo utali. . .oyo—oyo utabooli ku cikombelo eci. Kufumbwa okuno batali mamembala ba cikombelo eci, elyo—elyo nokuba muli cisidwe nkabela tamu jisi kaadi lya mipailo, muyanda kwiibalukwa mu mupailo? Sa inga watambika janza lyako, muntu aumwi? Yaa. eco ncibotu. Yaa.

⁷⁶ Lino Ndiyo mulomba buyo kuba babateme mbuli mbo mukonzya, kwa buyo ii—kwa maminiti buyo masyoonto, elyo mpawo tula talika mpoonya a kutalika. Lino atu bone. Ucijisi busena buli buti busyeede awo, Billy? Yaa. Sena oyo usika ku namba teeni kutala okuya? Nda ita wani kusika ku teeni.

Ileveni, twelufu, theetiini, footiini, fifitiini, abaimikile eno. Ikuti na bajisi teeni, ileveni, twelufu, thetiini, footiini, fifitiini, aba imikile. Yaa. Wani, tuu, thrii, foo, faivi, sikisi, seveni, eiti, naini, teeni, ileveni, twelufu. Kwabula obile ambi, kuzwa ku wani kusikaku fifitiini. (. . .? . . .seveni, eiti, naini, teeni, ileveni.) Fifitiini, sikisitiini, seventiini, eitiini, naintiini, twenti.

⁷⁷ Oh, lindila aniini. Nda—Nda mwaambila kupa buyo makaadi amipailo ku bantu batali bamu cikombelo. Mbo mbubo. Mwabona? Nkaambo, ku yooba, mwabona, kutweluka. Bantu balati, “Aba bantu balasika ku cikombelo.” Mwabona? Nda—Nda mwaambila. Mbangaye bakali ko okuno. . .batanaba okuno

kale? Atu bone janza lyako, taakwe umwi wakasola kuba mbuli umwi wa miswaangano yangu kale. Ncibotu. Ncibotu.

Lino, ncibotu, asyoonto buyo lino, Mukwesu Teddy.

⁷⁸ Lino inga Nda amba ceeci, kuti nyoonse mwakamvwa zya miswaangano, obo mbo yeenda, nekuba, sa mwa, bantu bonse bakali mu miswaangano? Mwabona? Cindi Mwami wesu Jesu nakali waano a nyika, ta kataminina kuba musilisi. Wa kali Lunyungu lwa Abrahamu, nconzyo, alimwi Wa kajisi cisyomezyo a Nguwe. Wa kati Ta kali cita cintu kusikila Taata waka Mu tondezya. Sa mbo mbubo? Alimwi Wa kati, “Nse konzyi kucita cintu kusikila Taata wandi tondezya cakucita.” Alimwi Wa kacibona ku. . .Kutali, “kusikila Taata wa Nda ambila.” “Kusikila Taata wa Ndi *tondezya*.” Musalali Johane 5:19, “Eco Nce bona Taata kacita, eco Mwana nca cita nciconya.”

⁷⁹ Lino cindi Na—Na kasika, tu jana kuti, ku matalikilo kwa mulimo Wakwe, kuti Na kamana kubweza i—i cuuno ca Davida. . .[Kabeela katakwecintu aa teepu—Mul.] Kukanana cakumuuya i. . .

Cindi Muuya Uusalala niwa kasika ali Nguwe ku lubbizyo, lwa Johane, elyo Wa kaba Mesiya unanikidwe. Lino, amuyeeeye, Wa kali Mwana wa Leza cindi Na kazyalwa. Wa kali Mwana wa Leza wakazyalwa kuli nakalindu. Pele cindi Na kaba Mesiya, nce cindi Muuya Uusalala niwa kasika ali Nguwe, nkaambo *mesiya* caamba “umwi uunanikidwe.” Mwabona? Elyo Wa ali Oyo wakananikwa cindi Muuya Uusalala niwa kasika ali Nguwe. Mwaka ndimvwa nke kambauka ali *I Kabelele A Nziba*. Mpawo tu jana kuti, cindi Na. . .Kwinde mazuba Aakwe ali foote aku tepaulwa, Wa kazwa.

⁸⁰ Elyo mbobuti mulimo Wakwe mbowaka talika, alimwi mbobuti mbowaka mana? Tu jana kuti, mu mulimo Wakwe kwakali muntu wa zina lya Andreyo, wa kaunka akuyo jana munyina, Simooni, muzeli wanswi, aku muleta kuli Jesu. Elyo Jesu waka mwaambila, kati, “Zina lyako ngu Simoono. Zina lya bauso ngu Jonasi. Kuzwida lino uyo tegwa *Petro*, elyo lyaamba kuti ‘bbwe liniini.’” Mula yeeya eco na? Elyo oyu mulombwana waka gambwa kapati kuli ceeco Jesu nca kamwaambila!

Lino, sa Mesiya wa keelede kucita ceeco? Mbangaye bazi boobo, baambe, “Ameni.” Wa kali sikuba Leza—Musinsimi. Iiyi, munene. Musa wakati, “I Mwami Leza wanu uyo mubusizya Musinsimi uli mbuli ndime. Ciyo citika kuti oyo uuta kaswilili oyu Musinsimi uyo nyonyoonwa kuzwa akati ka bantu.”

⁸¹ Lino, mpawo cindi twa ziba, kuzwa awo, Bakwe. . .“Wa kasika kuli Bakwe Beni.” Bakali bani abo? Iba Juda, ku bupange. “Alimwi obo Bakwe Beni teebaka Mu tambula,” aboobo Wa kajisi mpawo. . .Lino ceelede kuunka kuli Bamasi, mwabona, nkaambo Bakwe Beni teebaka Mu tambula. “Pele boonse abo baka Mu tambula, Wa kabapa nguzu kuti babe bana ba Leza.”

Aboobo lino Wa kasandukila kuli Bamasi, alimwi kwakali obo, kwa myaka ili zyuulu zyobilo. Pele lino amubone zintu Nzya kacita.

⁸² Mpawo Filipino, nakamana kubona eci kucitwa, wa kaunka kuyo jana Nataniyeli, a kwaambila Nataniyeli oyo waka janwa a ceeco Nca kacita. Eco cakamu gambya kapati. Ta kakonzya kucisyoma. Pele cindi na kanjila mu Busyu bwa Mwami Jesu, cindi naka mujana awo Mpa kabede, wakasika mu Busyu Bwakwe, Jesu wakati, “Amubone mu Israyeli muli nguwe mutakwe luuni.”

⁸³ Lino, ikuti nokali imvwi okuya, sa uyeeya kuti nokaba simuuya ukubwene kumu mvwisya kuti Wa kalini? Uyeeya kuti noka cicita na? Lino amulange. Mwabona? Oyo Muntu, Mweenzu buyo, muz- . . . okuya, kwayanda Wa kali muzeli wanswi. Wa kali simufala mapulanga, obo Mbwa kabede. Oyu Muntu simufala mapulanga kaimvwi alya, Muntu wamusela waakati. Elyo wakasika ku muntu oyu. Wa kamulanga, mbuli umwi wa baalumi abo awa, akuti, “Amubone mu Israyeli muli nguwe mutakwe luuni.” Ee, ino Wa kaziba buti kuteeti wa kali mu Israyeli? Kutali nzila mbwa kasamide, nkaambo bonse bakali kusama bukozyenye. “Muli nguwe mutakwe luuni.” Mbobuti Mbwa kaziba kuti wa kali ii—ii muntu uutakwe kaambo?

⁸⁴ Aboobo cakagambya oyu muntu kapati. Mukuba musyomi wini, wa kati, “Rabi,” na mukwesu, omukambausi, omwiyi, “ndelili Noka sola kundi bona?” Mwabona, wa kali ku Mu buzya.

⁸⁵ Wa kati, “Katana kwiita Filipino, cindi noli kungsi lya cisamu, Ndali kubwene.”

Wa kati, “Uli Mwana wa Leza. Uli Mwaami wa Israyeli.”

⁸⁶ Jesu wakati, “Nkaambo Nda kwaambila ceeci, lino wa Ndi syoma na? Lino uyo bona zintu zipati maningi kwinda zeezi.”

⁸⁷ Ako nke kaambo Ndi syoma kuti Mbungano ya Leza muumi iyo bona zintu zipati maningi ziinda ezi. Itandila kunjila moonya muli ncico lino, kaindi kasyoonto, mwabona, nkaambo baka cisyoma. Abo baka cikaka, nkaambo ka zisinkila zyakabungwe, Nda zumbauzya naa bayo sola kusyoma cili conse. Mwabona? Zintu . . . Muya kweenda mu Mumuni nape kofwaala. Mumuni ulofwaanzya, na kutondezya kazila.

⁸⁸ Bayuni baniini, Mbe kajana, ku Cibumbwa ca Bulubusi. Kabe masimpe kuyo bona ceeco, Mukwesu Thoms, cindi wakuunka kutala, wabona. Bauma kugusya boongo bwabo, kulyuumputa alya. Elyo Nda kati, “Ino ndipenzi nzi?”

⁸⁹ Kati, “Mu cibaka cakutobela mumuni, mu guwolyamvula, kuyo kwabililwa, basola kuuma kuzima mumuni. Bala lijaya beni.”

⁹⁰ Eco nce ncintu cilikke ciccitika cindi waumputa Mumuni, uyo lijaya omwini, kumuuya. Koenda buyo mu Mumuni mbuli Mbwali mu Mumuni, mpawo tuyooba a luswaanano umwi aumwi, onse mambungano ayo syoma a kuzumanana a kubotelwa zilongezyo zya Leza. Sa eco inga tii cabota loko?

⁹¹ Amulange mwanakazi waku Samariya cindi na kasika. Wakali muna Samariya, lino (kutali mu Juda), muna Samariya. Elyo Wa kati, “Ko Ndi letela aakunywa.” Elyo mubandi wakazumanana.

Eci nca kubaswayi bapya lino.

⁹² Elyo mubandi wakazumanana. Lino, taaka Mu zyi mukuba Mesiya. Wa kali buyo ii—ii Mwaalumi, mu Juda. Mwabona obo mbwa kaamba lutaanzi na? Waa kati, “Baa, ta cili cilengwa kuli ndinywe noba Juda kwaambaula ku mwanakazi mu Samariya mbuli oyū.” Waa kati, “Ta tujisi zyakubeleka antomwe kuli umwi.”

⁹³ Wa kaamba, “Pele ikuti niwali kuzyi Oyo ngooli mu kwambaula awe, inga no Ndi lomba cakunywa. Elyo ni Nda kuletela, kukupa maanzi, kutegwa kota cino booli okuno kuzooteka.”

⁹⁴ Baa, waa kati, “Lino lindila aniini.” Waa kati, “Tu kombela mu dundu eli, nkabela—nkabela noba Juda mukombela ku Jerusalemū.”

⁹⁵ Jesu wakati, “Pele cindi ciyo boola eelyo—eelyo nomuta kakombeli ku Jesusalemu nanka mu dundu eli, pele mu Muuya. Nkambo Leza walo Muuya, alimwi abo ba Mu komba beelede ku Mu komba mu Muuya a Bwini.” Mwabona? Ee, Wa kazumanana, wakazwidilizya mubandi kusikila Wa kajana awo penzi lyakwe mpo lyakabede. Ino, uli zyi awo penzi lyakwe mpo lyaabede? Kuli muntu uuzi penzi ndya kajisi mwanakazi ku mukalo? Waa kajisi bamalumi banji kapati, embo na? Aboobo Wa kamwaambila kuti, “Koya kalete mulumi ako elyo muboole okuno.”

Waa kati, “Nse jisi mulumi naba omwe.”

⁹⁶ Kati, “Mbo mbubo. Uli jisi bosanwe, nkabela oyo ngo pona awe lino tali wako.”

⁹⁷ Waa kati, “Munene!” Lino amu mulange. “Munene, Nda ziba kuti Uli Musinsimi.”

Ikuti na mwa tobezya oko kubala kwa majini kusule, muya kuziba. “Munene” mu butaanzi, “Yebo uli, Nda ziba kuti Uli *oyo* Musinsimi.” Amuyeeye, mu Bbaibbele, kula zumanana kwaamba kuti, “Oyo Musinsimi, sa Uli, ‘oyo Musinsimi?’” Ino wakali Musinsimi nzi? Umwi oyo Musa ngwa kaamba kuti uyo buka.

“Nda ziba kuti Uli Musinsimi. Lino, twa kayisigwa, alimwi tu lizi cindi akuboola Mesiya, Uya kucita zintu ezi.” Eco cakali citondezyo ca Mesiya. Mbo mbubo na? Ku ziba penzi lyakwe mbo

lyakabede. Kati, “Tu lizi cindi Mesiya akuboola, Uzo twaambila zintu ezi. Pele Yebo Nduwe ni?”

Wa kati, “Nde Ndime, oyo ukanana kuli nduwe.”

⁹⁸ Waa kasiya nongo yakwe yamaanzi. Waa kazuzila mu munzi, Nda yeeyela, kajisi buyo moyo wakwe. Elyo kaamba, kajisi maanza akwe ku camba cakwe kasotauka buyo, kwaamba, “Amuboole, muzobone Muntu Oyo wandaambila zintu Nze kacita. Sa oyu ngo nguwe Mesiya? Sena tali Nguwe wini Bbaibbele ngo lyakaamba kuti uyo boola? Mu Juda uukkede alya, Muntu buyo walyonse, wakali kulibonya mbuli simufala mapulanga. Pele Wa ndaambila kuti Nda kajisi bamaalumi bosanwe, nkabela nyoonse mulizi kuti obo mbwini. Oyu weelede kuba Mesiya.” Sa mbo mbubo?

⁹⁹ Lino, Jesu wakati, “Kaindi kaniini, mwaakwe muniini wa ciindi, inyika taika Ndi boni limbi. Nekubaboobo, muyo Ndi bona, nkambo Njo oba andinywe, nomuba muli ndinywe. Elyo milimo Nje cita muyo icita anywebo. Noiba minji kwinda Nje kacita okuno, muyo icita, nkambo Nda inka kuli Taata, kubweeda mu ciimo ca Muuya.”

I cituuzyo caka bbadelwa. I Lunyungu Lwabwami lwakafwa; Lunyungu Lwabwami lwakabuka alubo. Lino Mbungano iliimvwi kailulamikidwe, ku kusyoma ceeco, alimwi Lunyungu Lwabwami inga lwanjila mu bantu aba akwalo kubabamba kuba baswaana antoomwe, bana ba Leza basimbi abasankwa.

¹⁰⁰ Lino, kuli bamwi kumasena oko, abo tabali mu mundando oyu wamipailo, Nda mwaambila kupa biyo makaadi ku bantu abo . . . cindi ni Nda mwiita kuseeni okuno. Wa nditumina, akuti, “Uyanda kuya kunselelo na kuyo vozya makaadi amwi, taata?”

¹⁰¹ Nda ti, “Ikuti na kuli bantu bali mbuli kkumi abo batazwi mu cikombelo.”

¹⁰² Lino, ziindizimwi mu cikombelo Nda ita akubapa makkadi amipailo. Mula joka, akuti, “Ee, uli bazyi. Bali kuzwa ku cikombelo. Uli zyi kuciswa kwabo. Masimpe.”

¹⁰³ Mpawo Nda vuuluka, Nda ti, “Aabo biyo bata zulilwi ku cikombelo, basike. Yaa. Nywebo nomu tazwi mu cikombelo, ndinywe muyo njila mu mundando wa mipailo.”

¹⁰⁴ “Oh, tii twa kabazyi,” kaamba cikombelo. “Ta tuzyi mapenzi abo mbwabede. Kwayanda wali kubeja kujatikizya ncico.” Mwabona?

¹⁰⁵ Mpawo Nda ti, “Taakwe uusika. Amulekele Muuya Uusalala usale baabo bali omuno batazwi mu cikombelo, bakkede buyo alya.” Nekubaboobo, buyo ula . . .

¹⁰⁶ Takukwe nzila pee, ya kuleta muntu kuli Leza, citakuti wa kakanzwa kuba mwana wa Leza. Takukwe nzila ya kucicita. Jesu wakati, “Taakwe muntu ukonzya kuboola kuli Ndime citakuti Taata Wangu wamukwela.” Elyo obo mbwini. Zintuzyonse Nzya

kacita, kwakali cintucimwi cakaimpene. “Ikuti na Wa kacicita munzila *eyi*, ca keelede kuba munzila *eyi*. Alimwi munzila *eyi*, ca keelede kuba musule munzila *eyo*.” Mwabona, kutasyoma nconzyo. Pele busongo bula lulamikwa ku bana bwao. Aboobo, nywebo, nywebo mwabona.

¹⁰⁷ Lino awa, Ndi sola kwaamba kuli—kuli eyi mbunga ya bantu, eyi, kuti Jesu Kristo wakali olo Lunyungu Lwabwami. Ta tuli ndiswe; ngo Nguwe. Tuli buyo baswaana ba ceeco, pele zintu zyonse nzi zyesu. Ino kuti waka liimvwi alya buzuba obo cindi Simooni nakasika? Elyo, yebo, kwiina muntu. . . Eci nce cintu citaanzi Nca kasola kucita.

¹⁰⁸ Lino, eco ciyooba cintu citaanzi ku bantu aba, ikuti na Wa cicita. Ta bana cibwene pe.

¹⁰⁹ Pele cindi Simooni nakasika, muzeli wanswi mudaala, wata kajisi lwiiyo lukubwene lwa kusaina zina aa pepa. I Bbaibbele lya kati wa, “kali muntu buyo alimwi wata kayiide.” *Alimwi* ndi bbala liswaanganya. Kobilo “muntu buyo alimwi wata kayiide.” Elyo mpawo cindi Na keenda kumbele, mu cizibyo, inguzu. . . Jesu, Jesu wakati, “Zina lyako ngu Simooni.” Ino muyeeya kuti waka yeeya nzi? Ino noka yeeyanzi kuti nokaliimvwi okuya? “Alimwi zina lya baso ngu Jonas. Alimwi kuzwida eno unotegwa Petro.” Ino, ino noka yeeya nzi? Sa Muntu wakali kubala miyeeyo yakwe? Ee, ino noka yeeya nzi? Sena noka yeeya kuti cakali cizibyo ca Mesiya?

¹¹⁰ Ikuti na eco ncizibyo ca Mesiya mu bukkalo bumwi, ceelede kuba cizibyo ca Mesiya, mu bukkalo bwabili, bukkalo bwatatu, bukkalo bwane. Bukkalo abumwi bweelede kukozyanya, nkaambo Leza takonzyi kucinca. Elyo mbangaye bazi kuti Mesiya wakali Leza? Masimpe. Wa kali Munanike. Masimpe. Aboobo Ta konzyi kucinca. Walo weelede kuba mbubonya.

¹¹¹ Nke kaambo Wa kacita kupa bumboni ku cintu nciconya ku Basamariya eco Nca kacitila ba Juda. Nkaambo, bantu bazisi zyotatwe mbana Hamu, Shemu, a bantu ba Jafeti; mu Juda, Munamasi, a Musamariya.

¹¹² Lino, sa mwa ziba Muuya Uusalala? Mbangaye bazi kuti Petro waka jisi makki aku Bwami? Sena mwakabona? wa kabujula ku Buzuba bwa Pentekoste, kuli bama Juda. Filipino wakaunka kumusanza akuyo kambaukila Basamariya, a kuba bbizya mu Zina lya Jesu Kristo, pele Muuya Uusalala tii wakalina bawida. Ba kacita kutuma kuyo leta Petro, oyo wakabikka maanza aakwe ali mbabo nkabela baka tambula Muuya Uusalala. Mbo mbubo? Elyo ng’anda ya Koneliyo, i—i Bamasi baka Utambula. Eco cakali coonse kwa ncico. Kuzwida awo, buli jukide kuli boonse lino. Aboobo mpaawo we, mwabona, Wa kacita ku bujula. Leza uli jisi nzila zya kucita zintu.

¹¹³ Lino, kuseeni okuno, ikuti na oyu Walo Wa kapa Cisyomezyo ku Lunyungu, nkabela ikuti na lunyungu luli kkede awa... Ndi yanda kusyoma kuti umwi aumwi wanu uli boobo. Ikuti na Lunyungu luli kkede awa, incobeni Lunyungu luyo cibona Cisyomezyo. Lino, umwi aumwi wa bantu aba baimvwi awa watambika maanza akwe, tabana sola kuba mu miswaangano. Balo mbeenzu kuli ndime. Nse zyi naba omwe wabo. Ba boola buyo omuno. Alimwi maminiti masyoonto ainda, Billy wabapa makaadi amipailo, nkabela mbaaba baliimvwi awa. Kuli banji loko banu kubusena oko, batambika maanza anu, kuti tamu jisi makaadi amipailo, alimwi mwacili beenzu okuno. Eco tacijisi a cimwi cakucita ancico. Kosyoma buyo kuti uli swaana wa cisyomezyo eco. Ko syoma buyo kuti ku mibunda Yakwe waka ponesegwa. Elyo kosyoma a moyo wako onse, aku Mu langlila.

¹¹⁴ Cintu buyo kuli ceci cipego ncakuti, nkulipa buyo lwako kuli Nguwe. Ta ndaambi cintu; Walo ngu wamba. Elyo ikuti na Walo Muuya Wakwe wa businsimi, musinsimi lyoonse waka jisi MBUBOBU MBWAAMBA I MWAMI. Wa kali luleme lyonse. Elyo uta buzyi Njiisyo, nkaambo iyo endelana a Bbaibbele, ikuti na ngu Leza. Leza takonzyi kwaamba cintucimwi, elyo mpawo kujoka kuli ncico aku cinyona. Ceelede kuba cintu comwe ciindi conse.

¹¹⁵ Lino, nywebo kubusena oko, amu syome. A konse kuli muli ndinywe, amu syome. Lino muta cino zyunguluki. Amukkale buyo zii lino, nyoonse.

Bucebuce a buteteete buyo mbuli mbo mukonzya.

Kwa citika kuba, kuseeni okuno, kuti muntu mutaaanzi wiimvwi awa mwaalumi. Lino tula bweza olu Lugwalo.

¹¹⁶ Lino sena mula abwene Mpe imvwi? Mbangaye bakonzya kumvwisya ceeco? Mbaaba baalumi a banakazi baimvwi awa, abo Mbe ntana bona a meso, mu buumi bwangu. Ta bana kuba akwalo mu muswaangano, alimwi mula abwene awo mpo bamvwi. Ta bazyi eco ciyo citika. Ta ndizyi eco ciyo citika. Pele Leza waka cisyomezya. Abrahamu ta kazyi eco cakali kuyo citika cindi na kasomona cifulo caku jazya Izaka, pele Leza waka musyomezya. Eco caka cibamba. Wa kamutambula mbuli umwi wakazwa ku bafu, mukuziba kuti Wa kali kukonzya kumubusya kuzwa ku bafu. Mbo mbubo na? Aboobo eco caka cibamba.

¹¹⁷ Lino, mpaawa kwiimvwi mwaalumi muni lyangu, Nse na mubwene, akuta ziba cintu cijatikizya nguwe. Tuli beenzu kuli umwi aumwi. Ta tuzibene umwi aumwi. Leza uli tuzyi tobile.

Lino, ku cipego ca Buleza, ikuti na Nda konzya ku kupegwa cipo... Lino, ezyo zipigo zila zyalwa muli nduwe. Leza wakakanza kuzwa kumalengelo aa inyika. Mbangaye bazi boobo? Aboobo inga tii caba cili conse Nce kajisi, kutola cipego. Leza waka cisala buyo eco. Nse kacisala eco. Wa kacisala eco.

Mwabona? Mbuli basinsimi ba Cizuminano Cakaindi, a bantu baidene, ba kakanzwa kucicita, ku cita ceeci.

¹¹⁸ Lino, ikuti na mwaalumi uli cisidwe, Nse konzyi ku muponya. Ikuti na mwaalumi ujisi kubula, cila yaamina kuli ceeco ncabulide naa Nda konzya kumu gwasya nape. Kwayanda, ikuti na cali cintucimwi mbuli mbwa . . . cintucimwi ciniini Nce konzya kumu gwasya, baa, inga Nda kkomana kucicita. Ndiza ujisi lunyemo. Ndiza akwalo tali Munakaristo. Ndiza walo Munakristo. Ndiza ngu sikulicengeezya. Ta ndizyi. Ino kuti ngu sikusaala uyubilila, oyo wasobelela mukati, akusika awa akuli bamba kuba mbuli cintucimwi? Amulange eco cicitika, mwabona, mubone buyo—buyo eco cicitika. Ta ndizyi.

¹¹⁹ Pele, uliimvwi awa, mpawo inga waimikila kabotu, mukuziba kuti Leza wakapa cisyomezyo, Leza ulabamba cisyomezyo Cakwe. Mwabona? Lino, ikuti na Leza ulabamba cisyomezyo Cakwe, aakati, mpoonya awa lino, ku bantu aba; mbangaye kubusena oko bayo kkala kubusena okuya, a moyo wanu onse kuti muyo cisyoma? Onse moyo wanu, muyo syoma na? Mpawo amundi syome buyo.

¹²⁰ Lino atu bone. Atu bweze Lugwalo. Lino, Simooni Petro wakasika ku Mwami Jesu. Elyo nakasika ku Mwami Jesu, Mwami Jesu waka mwaambila kuti wakalini, alimwi—alimwi waka mwaambila zintu zya buumi bwakwe. Ee, nguonya Jesu ulapona asunu. Wa . . . Sena mula syoma kuti Wa kabuka kuzwa ku bafu? Sena mula syoma kuti Muuya wa Bumesiya ulapona moonya mu Mbungano, asunu, mbubonya buyo Mbo wakacita lyoonse? Ncibotu.

¹²¹ Lino, nomuli mu bbunga, abo bata jisi makaadi amipailo, amulange ku nzila eyi akuti, “Mwami!” Mubwini, taakwe makaadi amipailo mu bbunga, Nda bacitya kwiimikila bonse awa. Nomuli mu bbunga amwaambe kuti, “Mwami, Kondi guma.” Mula bona eco cicitika. Mula bona eco citacitike . . . ? . . .

¹²² Lino, munene, ikuti na kuli nzila mu inyika ya kukugwasya, ni Nda icita. Wabona, Ndili buyo, tuli beenzu buyo ano, alimwi Nda—Nda kuswaangana kwa ciindi cangu citaanzi. Pele Ndi jisi mulimo, mbuli mukutausi, wa kwaamba Bwini akuba kamboni wa Jesu Kristo. Elyo, lino, Nse yandi kuti undaambile cili conse. Ndi yanda buyo kuti undi mvwiile nanka mbwini na pe, elyo mpawo ku Mu lekela kucicita. Alimwi ikuti na Ula cita nzila njionya awa aa cibumbili, kwinda mu mubili oyu, eco Nca kacita kwinda mu mubili wa Jesu!

Oyo ngu Leza, muli Kristo. Jesu wakati, “Nse citi cintu kusikila Taata, uli muli Ndime, wa Ndi tondezya. Ula Nda ambila eco cakucita.” Aboobo takali Jesu wa kaambila mwanakazi. Wa kali Taata, muli Nguwe, wakaambila mwanakazi. Ta kali—teensi Jesu wakaziba kuti Simooni Petro wakalini, wakali Taata waka kkede muli Nguwe, wakazyiba

Simooni Petro kuti wakalini. Eco nce ncico. Wabona? Eco nce ncico.

¹²³ Nda konzya ku kwaambila, lino, kuti uli Munakristo, iiyi, munene, nkaambo ujisi ii—ii—ii muuya uutambula kaunzwiima cabulongwe. Alimwi walo, walo musyomi. Walo Munakristo. Elyo uciswa cilwazi cakulibilika eco cikupa penzi lya mwida. Sa mbo mbubo? [I mukwesu wati, “Mbo mbubo.”—Mul.] Wabona? Wabona? Lino, ako nkasimpe. Cacitwa buti eco? Ino Nda ciziba buti eco? Mbobuti mu inyika Mbwe konzya kusola kuziba ceeco? Ta tuna bonana kale. Obo mbwini. Embo na? [“Obo mbwini.”] Ndiza Ula kwaambila cintucimwi cimbi cijatikizya nduwe. Ndila kwaambila. Nceeci cintucimwi. Nda bona mwanakazi mumsi lyako. Ula anduwe. Mukaintu wako. Uyanda ndulonya lugwasyo lumwi, awalo. Iiyi, munene. Ula syoma na kuti Leza inga wandaambila awa cintu cilubide ku mukaintu wako? [“Ndi lizi inga Wa cita.”] Ncibotu, munene. Walo ujisi penzi lya moyo, buyumuyumu bwakusilikwa. Mbo mbubo. Embo na? Kulibilika, akwalo. Iiyi, munene. Lino, tozwi mu dolopo eli. Ujoka munzila *eyi* cindi wa unka ku muunzi, kuya ku Cincinnati. Mbo mbubo. Yebo uzwa ku Cincinnati, Ohio. Zina lyako ngu Milliken. Bweeda, joka ku muunzi, koba kabotu. Leza aku longezye nkabela uyo ponesegwa, yebo a mukaintu wako. Leza aku longezye.

Koboola, munene. Ula syoma? Lino koba buyo a lusyomo. Uta zumbauzyi.

¹²⁴ Lino amubatame ncobeni. Onse muntu lino abatame ncobeni, kuumuna zii. Mwabona, Muuya Uusalala ulaabunyonganye loko. Mbangaye bazi obo? Bunyonganye loko ncobeni, Muuya Uusalala, mwabona, kunyonganisgwa buyo kumwi kuniini ku Mu nyonganya.

¹²⁵ Kweendelana ku madokotela, weelede kufwa cakufwambaana, a penzi lya moyo. Mbo mbubo. Wa boola okuno kuzwa ku Chicago, Ba. Mosley. Zina lyako litaanzi ngu Theodore. Ula musyoma na Leza? [I mukwesu wati, “Iiyi.”—Mul.] Mpawo koya ku muunzi ukapone, mu Zina lya Jesu Kristi, akuba kabotu. Leza aku longezye.

¹²⁶ Ula musyoma na Leza? [I mucizi wati, “Masimpe ndacita. Iiyi, munene.”—Mul.] Yebo uciswa cilwazi mu kuulu kwako. To zwi mu tauni, ayebo. Yebo uzwa ku Owensboro, Kentucky. Zina lyako ngu Muka. Lamb. Kojoka ku muunzi akuyooba kabotu.

¹²⁷ Mulindu uukede mpoonya aya, awalo uzwa ku Owensboro. Ujisi kuzimba ku lukolo lwako awa. Weelede kupandulwa, juunza. Koya, syoma, a kupona.

¹²⁸ Sena ula syoma, munene? [I mukwesu waamba, “Iiyi, Nda cita.”—Mul.] Tuli beenzu kuli umwi aumwi. Zina lyanu ngo Ba. Gilmore. Mbo mbubo. Uzwa ku Anderson, Indiana, oko kuli mulimo mupati wa Mbungano ya Leza. Mbo mbubo. Yebo

uliimvwi awa nkambo ka mwana wako musimbi uucisidwe kucibeela. Uli lebukide kucibeela. Ula syoma na? Mpawo kuya ku muunzi a kuyo mujana munzila njo syoma. Yaa. Leza aku longeze. Koba a lusyomo. Kosyoma.

¹²⁹ Ula syoma na amoyo wako onse, munene? [I Mukwesu waamba, “Iyi, munene.”—Mul.] Uzwa ku Indianapolis. Uli mukutausi wa Makanimabotu. Oyo mukaintu wako. Uh-huh. Ula ciswa awalo. Ujisi penzi lya gogooyo mu gogooyo. I dokota . . . Jisi penzi lya moyo; kulibilika asyoonto. Nda mubona musinke mu kutwi kwakwe. Ino . . . Boola okuno.

Yebo omuuya wabusinke matwi, mu Zina lya Jesu Kristo, Nda kulailila kwinda kuli Leza muumi, kozwa mu mwanakazi.

Lino inga wandimvwa kabotu lino. Inga waunka ku muunzi akuba kaboti. Koyabuya kujoka ku muunzi wako. Ula ndimvwa, nkabela waponesegwa. Uyooba kabotu.

¹³⁰ Mula syoma na a moyo wanu onse? Amube buyo a lusyomo muli Leza. Amusyome.

¹³¹ Eco coondamazwi cakaindi a zintu nzintu zibyaabi kapati. Ula syoma na kuti Leza ula kubamba kuba kabotu? Mpawo enda ncobeni kuselemuka kwinda omuya. Koya ku muunzi, kolumbaizya Zina Lyakwe, kwaamba, “Ndaku Lumba, oyandwa Mwami Jesu.”

Kaambo Nce jatila eco cakufwambaana loko, oyu mwanakazi waka jisi cintu nciconya, coondamazwi.

Sa ula syoma kuti Leza ulakubamba kuba kabotu? [I mukwesu waamba, “Iyi.”—Mul.] Yaa, munene. Mpawo enda ncobeni kuselemuka kwinda omuya, a kuti, “Ndaku Lumba, Mwami Jesu,” akuya ku muunzi.

¹³² Yaa, mucizi, konyona buyo a kujoka, a kusyoma. Wa kayuminina ku mazwi ako, kuli awa, alimwi penzi lyako lya moyo, azimwi zimbi. Konyona buyo akujoka ku muunzi, koti, “Ndaku Lumba, Mwami Jesu,” a kuba kabotu. Syoma a konse kuli muli nduwe.

¹³³ Mula syoma? Ino kujatikizya okuya, nobantu bamwi, mula syoma na?

¹³⁴ Mulindu muniini uukkede alya, wamasusu asiya kumutwe ujisi kasuntu, ula syoma na kuti Leza ula kuponya? Wa cizumina na? Ncibotu. Ikuti na ulacita, Uyo cicita.

¹³⁵ Awa kukkede mukambausi, uukkede awa, uyanda kweenda kwa muni maningi kuli Leza. Embo na, munene? Ula syoma na kuti Leza uyo cicitila nduwe? Tambika janza lyako a kuti, “Nda cizumina.” Uh-huh.

¹³⁶ Oyu mulindu uukkede awa, walosya janza lyakwe. Ujisi penzi lya kumuuya ndya yeeya. Mbo mbubo.

¹³⁷ Ngooyu mulindu muniini awa, ula libuzya na uyozyala muvwanda wakwe. Mbo mbubo. Wa kaliko muli umwi wa miswaangano yangu. Nda ka kusyomezya, kwindi kuli Leza, kubaa muvwanda. Sena Nda kacita? Yaa. Mpawo koya ku muunzi a kuyooba anguwo. Uta kapengaani limbi kujatikizya nguwo.

¹³⁸ Sena mula syoma a moyo wanu onse, nywebo nyoonse? Umwi aumwi wanu ula syoma na? I Lunyungu lwa Abrahamu luyo vuba mulyango, mulyango wa sinkondo. Sena muli Lunyungu lwa Abrahamu, kwindi kuli Kristo? Amu tambike maanza anu ikuti na mbo mubede.

Mpawo bikka maanza ako ali simukobonyokwe, ali simukobonyokwe, ali umwi aumwi. Amubikke maanza ali umwi aumwi. Amuvube mulyango lino. Ngu wanu. Walo uzulilwa kuli ndinywe. “Kukomba kwa lusyomo kuyo vuna balwazi. Leza uyo babusya.” Yaa, komba munzila yako ini. Komba munzila njo cita ku mbungano yako. Kombela bantu abo bali anduwe lino. Amubikke maanza anu ali umwi aumwi a kukomba.

¹³⁹ Mwami Jesu, twa boola mu Zina eelyo lya Singuzuyonse ilya Lunyungu Lwabwami, Lunyungu lwa Abrahamu, oyo waka Mu syomezya a cilundu awo Mpo kapeda kabelele; a kubikka ako kabelele mu nkanda, cintu camaseseke, mbuli Mbo kacita kuli basikaale abo, jilo.

Nda lomba, O Mwami Leza, kuti Uyo tuma Nguzu, lusyoma. Elyo lekela Lunyungu lonse... Ndi lizi uyo cita, Mwami, nkaambo Wa kati, “I Lunyungu lwa Abrahamu.” Alimwi ikuti na kuli bamwi awa bali kozyanisya kuba Lunyungu, kakuli tabali Lunyungu, ba jatile ku kukanza kwabo awa, na kulikozyanisya. Elyo akube kuti Muuya Uusalala ndyoonya lino ubambe buntu bwabo kusuka mulilo wa lusyomo lupona. Lekela Muuya Uusalala usweemukila mu moyo aumwi a kuponya onse awa. Ba bikka maanza abo ali umwi aumwi.

I Lunyungu Lwabwami lwakati, “Ezi zitondezyo ziyo batobela abo basyoma. Ikuti na baka bikke manza a balwazi, bayo pona.” Elyo Oyo Wa kapa cisyomezyo mpali eno ano, kalitondezya Mwini kuti Uli waano. Ndoolo Lunyungu lwabikka maanza abo ali umwi aumwi. “Ezi zitondezyo ziyo batobela abo basyoma.” Akube kuti Muuya Uusalala upaye kwindi muli umwi aumwi ku maanza abo, mu myoyo ya bantu mu mibili, a kuponya onse uuli mu Busyu bwa Buleza. Ko cipa, Mwami.

Nda mutapatila dyabulosi. Nda tapatila kutasyoma konse. Nda tapatila muuya onse mubi. Nda tapatila onse sikulikozyanisya. Nda tapatila zintuzyonse ziimpene ku Ijwi lya Leza. Elyo lekela Muuya Uusalala ubweze busena Bwawo mu moyo wa bantu, ndyoonya lino, kwiinda mu lusyomo. Akube kuti kuciswa konse a malwazi onse, mapenzi onse abasiye bantu, mu Zina lya Jesu Kristo. Ameni.

¹⁴⁰ Lino, Lunyungu lwa Abrahamu, muli ba mukuzulu wabwami, nywebo noba cisyomezyo, ku luzyalo a lugwasyo lwa Leza, mbangaye banu bakonzya kutambika maanza anu, akuti, “Nda tambula eco Nce lomba.” Ndaku lumba. Nce ncico. Ako nke kaambo ka cisyomezyo. Ako nke kaambo cisyomezyo nco cakapedwa, kutegwa ube swaana wa zintu zyonse, kwiinda muli Jesu Kristo waka kufutula. Wa kakufutula kuzwa ku cibi. Wa kakufutula kuzwa ku kuciswa. Wa kakufutula kuzwa ku lufu. Wa kakufutula kuzwa ku gehena. Wa kakufutula kuzwa ku cuumbwe.

¹⁴¹ Yebo wati, “Mukwesu Branham, pele toonse tuya mu cuumbwe.” Pele cuumbwe tacikonzyi kutu jatilila. Wa kaunka kuli ncico, awalo, pele tii caka Mu jatilila. Incobeni. Ta cikonzyi ku Mu jatilila.

¹⁴² “Ee, Mukwesu Branham, Ndila tepaulwa maningi.” Wa kacitwa, awalo. Pele Wa kakufutula kuzwa ku matepaulo.

¹⁴³ “Ta tusololeli mu matepaulo, pele tu vune kuzwa ku bubu.” Mwabona, Wa kacicita. Coonse nci canu. Zintuzyonse nzi zyanu, kwiinda muli Jesu Kristo. Ula mupa zintuzyonse, cabuyo. Taakwe kubbadela kuli nzizyo, nanka cintu. Nzi zyanu ndyoonya lino. Sa tamu kkomene kuli ncico? Sa tamu boteledwe nkambo ka Nguwe? Kulumbwe kuli Leza.

¹⁴⁴ Lino, kulaba kuswaangana, oku, sunumasiku. Iiyi. Nkwa sunumasiku, seveni theeti sunumasiku. Ndila lekela mweembeli kuti amwaambile. Ko boola. Ko boola.

Lino, cifumo citobela Munsondo, Mwami mubotu na wayanda, Njo bweeda kuzo kombela baciswa, ku cikombelo, na kufumbwa busena.



KUVUBA MILYANGO YA BASINKONDO TNG59-1108

(Possessing The Enemy's Gates)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Vumbipati 8, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org